


KI SIKAMAÑI SE NI KAEZA NI JESU YABIZWA KRESTE?

 Mulena aku fuyole, Muzwale Vayle. Mu zuhile, balikani. [Kopano ibulela kuli, “Mu zuhile, Muzwale Branham.”—Mu.] Na kamita na liyehanga. Billy na sweli ku Ni bulelela kuli ni liyehile, kakusasana cwana, mi Ni na ni lipuzo za kwa mukunda ze mashumi amalalu, mi Ni bile ni zepeli za zona, kacwalo, Ni lumela ki zepeli kamba zetalu. Kacwalo ha Ni koni fela kufita ku mutu ni mutu, mwa ziba, mi sicaba si libelezi, mi ba libelezi fa mukoloko likweli ni likweli. Mi Mulena ubile aeza lika zetuna mwahali mwani. Oh, Ki—Ki Mulimu wa luna. Nji Ha yo cwalo? [“Amen.”]

² Cwale Na ziba hande, kakusasana cwana, kuli kaufela luna lwa ziba maswabi amatuna a ezahalile kwa naha ye, ka kutobelwa ki Mueteleli wa naha wa luna, Bo Kennedy. Nihaike inge ne Ni sa lumelelani ni muuna yani mwa litaba za naha za hae ni bulapeli bwa hae, kono niteni ha lukeli kushwa cwalo. Batili. Ni kusiya bana ba banyinyani bani kwa mulaho, mi basina ndate. Ni me ya. . . Musala bo Kennedy, nihaike Ne ni sike ku lumelelana ni yena, ka linzila za hae ni lika zeñwi, mwendi, kono, muhupule, ki me. U latehezwi fela ki limbututu za hae, mi u latehezwi ki muuna hae. Mi na wezi fa mautu a hae, mi mali a muuna hae a suluhela fa mautu a musali. Zani ne li li maswe.

³ Kana mukile mwa nahana. . . Fokuñwi lu nahana kuli utoma muzamao wa naha, mwa lika za muezezo wani ni lika zeñwi. Zeo za kona kuba cwalo, ni zona. Kono kana mwa ziba, Musala bo Kennedy ali kuba a utwe ni ilinwi ya Mañusa e Ni kutaza ka sani? Haiba na ka utwa ilinwi ya Mañusa ani, na ka eza ka kushutana. Mi babañwi ba likezeli za luna baba liutwa, kono niteni habana ku lumelelana ni zona. Mwabona? Mwabona? Mwabona? Na hulizizwe ali wa Katolika; kona fela za na ziba kihona. Hakuna se ni nyaza ka sona, mwabona. Musali. . . Wani ki mulao. Hakuna se ni nyaza sicaba, batu ba Katolika. Wani ki mulao, ona mulao wa Katolika, kuswana fela sina ba Presbyterian, Methodist, kamba yeñwi kaufela ya bona, mwabona, kamba ba Pentekota, yeñwi ya zona. Ki mulao, ha ki sicaba.

⁴ Bo Kennedy, Ni sepa, ba ezize mu—mu musebezi omunde wa kuba Mueteleli wa naha. Pilu yaka ilobehile bakeñisa musala hae yani. Mi Ni utwa butuku luli ka zona, kuli nihaiba mane yo naha ya luna ikona kuba ni yena, ili koo babulai ni babañwi mwa naha ya luna, ukona kuezwa nto ye cwalo.

⁵ Haiba hamukoni ku kanana ni mutu, kihande, ha mu ye ka mayemo a mina; mi hakuna mukwa wa ku bulaya mutu yomuñwi, bakeñisa ona lika zeo. Mane ni bana ba banyinyani bani ba ziba, bali, alimuñwi kwa banana naize, “Cwale ha Ni sana wa ku bapala ni na hape. Bondate ba timezi.” Mwabona?

Kacwalo Ni bile ni nahana kamita kuli bwani ikaba buino bwa ka, zazi leliñwi. Li ezahalile linako zeñata nyana, sina ha mu ziba, za ku kunupiwa mwa linaha za kwahule; hane ba ni tibela ka mibili ya bona, kuli ni sike na kunupiwa, fa hule nyana.

⁶ Konakuli haiba mutu u shwa cwalo... Kono, wani ki—ki mupuzo o lifilwe, sani si zamaelela ni kanya ya lika ze shutana. Mwabona? Ni sepa kuli lu fitanga fa Mueteleli wa hune kamita, alimuñwi mwahala babane, wa bulaiwanga, mi Ni ikutwa bumaswe hahulu ka zona. Ki maswabisa kuli luna ni mutu ya cwalo mwa America, yakona kueza nto ye cwalo.

⁷ Mi cwale, ibo, sina ha Ni bulezi, Ne—Ne ni sa lumelelani ni litaba za naha za hae. Ni... Ha ni, ne ni sa lumelelani ni minahano ya hae ka sa na lika kueza. Kono, mwa bona, ki mutu yomuñwi. Mi Ne ni sa lumelelani ni mulao wa hae wa bulapeli. Na—Na luli ne ni sa lumelelani ni zona. Kono, niteni, yena—yena kona mwa na huliselizwe ona cwalo. Zani—zani kona mone liinezi. Sina ha Ni bulezi, mwendi hakulata na utwile nto ye shutana, hakulata ne ikona kuba ye shutana.

⁸ Luna ni—ni taba ya kueza, kuli nako kaufela alimuñwi wa batu ba luna ha shwa, kamba nto yeñwi, nihaike kusina... Ni sepa kakuba keleke ya ma—ma American, kakuba mubili wa ma American...

Sicaba sa ma American ne si ketile Bo Kennedy kuba Mueteleli wa naha. Mi sani neli... Ki kabakaleo haluli ba tukuluho ya kuketa. Ne ni si ka botela Bo Kennedy. Ne ni botezi Bo Nixon, kakuli ne Ni ba ziba Bo Nixon, kasibili. Mi Ne—Ne ni ba lata, mi Ne—mi Ne ni ba botezi, na kasibili, kakuli ne Ni ba lata. Kono sicaba sa naha ye, ma American, bahesu ba naha ye, ba keta Bo Kennedy. Ni mo ne ba ezelize lika, kihande, ku itingile ku bona ni Mulimu, kono cwale kona zeo.

⁹ Kono Ni nahana kuli, bakeñisa yena me yoo, ki mutu, ki me wa bana, musala Bo Kennedy, kana halukoni kuyema fela fa muzuzu kwa tapelo ya hae?

¹⁰ Mulena Jesu, luna batu ba bapila, luna ni maikuto a mañi ni mañi. Mi lu swabile, Mulena, kuli Mueteleli wa luna na kunupilwe mwa nzila, mwa lifu leli butuku kusulula mali. Mi lu swabile kuli naha ya luna itile fa mayemo aa, kuli batu baba cwalo babali mwa—mwa naha ya luna, ba bakona ku bulaya mutu ka lifu leli butuku la kusulula mali cwalo; sina mo ne ba kunupezi muzwale yomunsu yani ha ki kale hahulu, ba mu kunupa fela ka lifu leli butuku la kusulula mali, bakeñisa saluluti ya mubala. Mi lu swabile hahulu kuli batu baba cwalo

ba fumaneha mwahala luna, Mulena. Luna, mifokolo ya luna, kona ye tisize lika zee.

¹¹ Mi lu lapelela Musala Bo Kennedy, yena musala hae yani, yena Mueteleli wa naha. Ni kuziba limbututu zenyinyani zani li sepile fela ku—ku ndata bona, ya ba siile mazazi nyana cwanoñu nyana fa, muuna ya tabile, na lwana ni bona ni ku bapala ni bona mwa mubu. Cwale habasana ndata bona. Ni ka musali yani. . . mufumahali wa hae, kuli muuna hae na wezi fa mautu a hae, mi mali a hae anganga fa ndelesi ya hae; kona a sa zo pumbeka fela mbututu wa hae.

¹² Mi kanti, Mulena, lukona kulumela kuli basali ba mwa mafosisa, ka za—ka—ka nzila ya beile naha mwa muzamao wateni, ka mutinelo wa hae ni zeñwi cwalo; kono sani—sani sakona kuba kwa sicaba sa ma American, kaufela bona hamoho, bona, kona ze baabela. Kacwalo lwa—lwa mu lapela kwateni, kakusasana cwana, kuli Wena u mu tuse. Mi Hakube nako mwahala maswabi amatuna a kuli akone ku fumana Niti, Jesu Krete! Lumeleza cwalo, Mulena, yena Anosi fela Yakona kufa kozo ni buiketo mwa hola ya butata.

¹³ Mi lutuse, Mulena, ku zwelapili kuba, ka lipilu za luna kaufela, ni liseli lelibenya, kuli ha lu zibi nako kamba kuli ki susumezo mañi ye lukona kubeya ku mutu yomuñwi. Ha lu benye ka Liseli la Krete kufitela A taha. Mi kona Mulisana yomutuna wa mutapi, Yena ya ziba kuluka kaufela, aka tisa sibi kaufela mwa katulo, mi Uka ziba mwa ku ezeza za teni. Mi haisi ka nako yeo, lu ipeya ili luna mwa mazoho a Hao, kwa lilato la Hao ni sishemo fahalimwa luna. Ka Libizo la Jesu. Amen.

¹⁴ Eeni, Hani sepi kuli kuna ni mutu ya lukela kushwa cwalo. Cwale, Bo Lincoln ne ba sa lukeli kushwa sina cwalo. Bo McKinley na sa lukeli kushwa cwalo. Huey Long na sa lukeli kushwa cwalo; ko kutokwa ni haiba alimuñwi wa mitangana yani. Ha ni lumeli ku zeo. Babulai, zani li maswe. Bashimani ba luna ne ba sa lwanangi kwa buse bwa mawate bakeñisa lika ze cwalo. Ndembela ya luna ne i si ka pahekelwa bakeñisa zeo. Ha lu ma American ba lika ze cwalo. Batili. Nihaike, naha ya luna i cincize ni ku fetulwa ka sibi, sani kona—sani kona se si eza lika ze. Sani ki sibi.

¹⁵ Cwale, kacenu luna ni. . . Ni ka luta kaza sikolo sa la Sunda, ni lika zeñwi cwalo ze Niabela ku zibisa kwa keleke. Mi zani ki kuli, nto ya pili, Ni bata kuli mu ni swalele ka ku mi inisa hahulu nako yetelele la Sunda kakusasana ha Ni banga ni Mañusa aa. Mi cwale haiba Mulena alata. . . Libaka le Ni ezeza cwana, ki bakeñisa kuli Ni—Ni banga kwanu mwahala sicaba sa ka mi Ni—Ni luta lituto ka kutiya ka mo Ni zibela. Ha ni lutangi lituto ze kwande mwa libaka zeñwi. Ni yemanga fela fa—fa litaba ze tokwahala za Evangeli. Kono lituto ze zona ze tiile, Ha—Ha ni li lutangi kwande mwa—mwa libaka zeñwi. Mi cwale, kwanu, li ni

ngelanga hola iliñwi, linako zeñwi, zepeli kamba liholo zetalu, kuli ni feze Liñusa la ka. Mi Ne ni mi bulelezi kwanu linako zeñwi, twelufu seti, wani kiloko. Mi zani ki ze nyinyani fela ku zene Ni ezanga. Ne ni inanga mane busihu, kubata kusa, linako zeñwi. Ni iie, lwa kala, linako zeñata, kuisa ka eiti kiloko ni kuya kwa ndu habusa leli tatama kakusasana, yeo ki niti, kuzwa mwa mikopano.

¹⁶ Kono Ni—Ni—Ni ka lika ku, ha Ni katoba ni mina hape, mi fela fa—fa nako yelikani . . . kutazo kufita ni tuto yetuna hahulu ka ze, konji ha Ni ka mi lemusa ka ku itahanela nyana kuli ikone kuba nto yeñwi. Kakuli, Ni na ni Litolombita Zesupa, Na lumela, ze sa taha, ili ze zamaelela hande fa Liswayo la Busilezi. Mi Liswayo la Busilezi ha li to lila, Litolombita Zesupa kaufela za to kuza ka nako iliñwi, mwa bona. Mi kacwalo luna . . . Ni ka tabela kutisa seo kwa Keleke Kutaha kwa Hae ku sikaba kale, haiba . . . kamba kuya kwa ka, kamba seo kaufela sikona kuba sona, haiba Ni kona.

¹⁷ Cwale, haiba lueza cwalo, konakuli luka mi zibisa ka ku itahanela nyana. Mi mwendi ka nako yeo, sina mo lu bonezi kakusasana cwana, miyaho ne tezi, ni mamota, ni kwa matuko, luka lika . . . Luna ni sibaka cwale ko lukona kuba kwanu. Si kona kuina batu ba baeza likiti zetalu, mi ki muyaho omunde wa sikolo ona ñambamo nyana kwanu. Mi ni Litolombita Zesupa, luka lika ku li kutaleza kwa sikolo sani. Mi sani si ka lufa sibaka sesituna sa kuina, mwa bona, kuli lukone ku kenya sicaba mwateni.

¹⁸ Lu bata ku zibahaza, kwa New York, ne lubile ni nako yende hahulu. Kwa muyaho o bizwa Morris Auditorium kwani, ne lu lukuluzi fela sibaka kuli siye, busihu ni busihu. Ne ba titihani mwahali. Mulilo . . . Muuna yena muña sibaka . . . Mubabaleli wa za mulilo na ka kwala sibaka sani hane lu ka ba tuhelela kuli ba yeme, bali kutitihana ona cwalo. Mi kipeto ne lu ba lukulula kuli ba zamaye. Mi sicaba kwande mwa mukwakwa, bene kuli itamaela mwa mukwakwa kafa ni kafa, ne ba lapela fela kuli kube ni ya ka katala mi azwele fande, kipeto bona bakene mwahali ni kuipumanela sipula. Mwabona? Mutu alimuñwi fela, ba ka libelela fela mutu alimuñwi kwani, kuli bakene mwahali. Mi yena yali bukaufi ni sikwalo, kipeto wa lumeleza alimuñwi kuli akene ona cwalo. Mi mutu ha yema ni kuzwela fande, neba ya kwa malapa ka ku itahanela, kihande, ne ba kena kipeto ba ikabela sona. Mwabona, ne ba taha ona cwalo. Ki nto yende luli, ki sikwata sa sicaba sesinde. Mi Na lumela lifasi, yona keleke ya Sikreste, ina ni tala ya Mulimu.

¹⁹ Cwale Ni—Ni—Ni sepa cwalo . . . Ni itumezi, muzwale. Ni—Ni sepa kuli—kuli Mulimu uka lufa yona kolo ye, ko lukona kutaha hamoho ni kutoba ni Litolombita Zesupa za mafelelezo zani. Ni tabela ku etelelwa kueza lika zani, ili kuli mu zibe.

²⁰ Mi cwale kwa mukushuko wa baana ba pisinisi . . . Hañata, siemba sa bona kwani, Ni sepa ne ba bulezi kuli ne bana ni baba mashumi aketalizoho kuisa ku ba baeza mwanda kwa mukushuko wa bona. Mi kakusasana wani ba lekisa matikiti a kuma fa mianda ye lishumi ni ye supile, ni kutuhela sibaka sesiñwi kutaha mwateni, kuli ba lukulule sicaba sizwe. Mi malibela afi ni afi, ni kwa mamota kaufela, ni ku pahama ni ku tuluka mahatelo, ne ku yemi fela batu. Ni batu ba litulo zetuna, ni baprisita babañwi cwalo, mi—mi ni zeñwi cwalo, nebali teni kwani kuli ba utwe Liñusa. Mi kacwalo, Na utwisisa, Na lumela ne ku tusize nyana. Ne si ka eza zeñwi—zeñwi hape, zende kufita mo ne lu ka nahanela kuli kona mo ne li kabela.

²¹ Cwale, kanti, busihu bo . . . Lu kaba ni . . . ni Liñusa busihu bo, haiba Mulena alata, ili fa—fa tuto ya—ya kamo, ka za buino bwa mina ni Kreste. Mi cwale zeo lika . . . Ikaba ye kuswani. Lu bata ku kalisa, Ni bata kuba fa katala ka sebene seti. Haiba . . . Ki nako mañi ye mu kalisanga ka yona, ka sebene seti? [Muzwale uli, “Lu kalanga ka sebene seti, kono lu ka kalisa ka sebene.”—Mu.] Oh, sebene, mi Na ni kaba fa katala ka sebene seti, mi sani si lukela ku ni lukulula ka eiti seti, haiba nji Mulena wa lata, kakuli Ni—Ni ka . . . Ni kaba fela ya akufa mo Ni konela, mi Ni ka kalisa ku itwaeza.

²² Mi cwale nto yeñwi, kikuli, kwa kona kuba baenyi baba utwa batu inge ba seha. Kakuli, Ni lika kuzwa kwanu, Kono ha Ni koni ku eza cwalo. Ki za mufuta wa . . . Ni sepa kuli ha li utwahali kuba za kashwau, kono boma neba bulelanga kuli, batu haba taha hamoho sina cwalo, kuswana fela sina bikoto bya shuka bye bi kangezi ya nako ye bata ya kakusasana. Mwa ziba, bi kambile, mi bi ngonga ka bunya. Mi kacwalo kona mo kuinezi cwalo. Ni zamayanga ka bunya mwa Mañusa aa, bakeñisa mu—mu munati wa mushwati wa Mulimu, mwa ziba, u utwahalanga ku kamba hamoho. Mi Ha—Ha—Ha ni, koni ku tabela kuba ka nzila isili. Ni—Ni bata kuba fela ona cwalo. Koo, Na hupula hane lu yemanga ni kuopela pina yani.

U fuyolwe muhala o tama
Lipilu za luna mwa lilato la Bukreste;
Kutwano ya luna ya minahano ye swana
I swana ni yani ya Lihalimu. Mwabona?

Ha lu siyana,
Li lufa butuku kwa lipilu;
Kono niteni lu ta kopana mwa lipilu,
Ni ku sepa kubonana hape.

²³ Mi Ni—Ni sepa kuli wani ikaba ku—ku kuikataza kwa luna fa. Buñata bwa bahalalehi ba kale baba lobezi bani, kono lu sa swalani mwa lipilu. Mi Ni nahana ka za pono yani kakusasana wani, ka ku ba bona kwa neku lani, mwa liyemo ze fuyozwi za bunca bwa baana ni mwa busali sakata, ba sa bonahala inge mo

ne ba bonahalela fa, hane bali mwa lifasi mo. Ni sepa ba libelezi kutaha kwa luna. Zazi leliñwi lu ka yo kopana ni bona, Mulimu ha lata cwalo. Cwale Ni—Ni . . .

²⁴ Mi muhupule lisebelezo, sebelezo ya lipina ika kalisa ka sebene kiloko busihu bwa kacenu, isiñi ka sebene seti.

Mi cwale, sunda yetaha, Ni ba kwa Shreveport, Louisiana, ni kwani kwa Life Tabernacle mwa Shreveport, Louisiana. Mi Ni sepa kuli basweli kuisa muyaho mwa buse bwa mukwakwa. Muzwale Moore na lizize busihu bwa maabani, abulela kuli neba sweli . . . Ki mukopano wa silimo ni silimo, mi ba libelela nyangela tuna ya sicaba.

²⁵ Ni bata kufa bupaki nyana Ni si ka bala kale Mañolo. Ka—ka kalibe na inzi kwanu zazi leliñwi, neku na ni . . . Ni mi bulelele susumezo ye banga teni mutu ha lapelela yomuñwi. Hane Ni talimezi fafasi na to bona kalibe yomuñwi yene Ni . . . Margie Cox, musala Muzwale Rodney Cox ya inezi fa. Mi sunda yefelile, Na lumela neli lona, hane luli kwanu, Moya o Kenile no sweli kufa temuho mwa muyaho kaufela, mwa ziba, ka mo sicaba ne si bulelelwa. Mi na inzi . . . U teni mwahali mo ona fa. Kono nali fela kwahule kokuñwi. Mi Na—Na talima kwani, mi ne kuna ni kalibe yana—yana bizizwe, yana na ni butata bwa shuka mwa mali. Mi Margie nali . . . Mi mwa pono neli Margie. Mi Margie na yemi fani; kono niteni Na talimela fafasi, Na mu bona, mi neli mu . . . Mi Na hupula . . . Mi Na talima kuli ni bone musali yomuñwi yoo, mi Margie nali mwa pono, kono Liseli nelili fahalimwa musali yani. Kacwalo Na—Na talima.

²⁶ Mi Na hupula, kihande, haiba Ni biza Margie, ba kali, “Luli, kuli, luli.” Kuna ni ya mu ziba, ukali, “Kiñi, uka—uka . . . Muuna hae ki alimuñwi wa ba—ba balikani ba hae luli. Ba pila hamoho, ba lobala hamoho, ba zumanga hamoho, ni—ni lika kaufela. Luli, sani ki, na ka ziba cwalo.” Kono Margie na sa zibi cwalo. Kono Ne ni bizize kalibe yomuñwi, yana li . . . Na lumela, neli kezeli ya na zwelela kwa Chicago, sina mo ne Ni ti lo utwela kasamulaho.

²⁷ Kono kasamulaho kwa taha, kuli ku yena . . . mwa sibaka sani, basweli kupima butuku bwa shuka mwa mali. Mi—mi yena na nani shuka mwa mali. Mi kacwalo nali mwa musipili wa hae, lizazi la maloba, kwa sipatela sa teni. Mi—mi kacwalo hana li bulezi, mi Na mu bizeza kwa kupuzo ya se. Mi se Nili, “Taha kwanu, Kezeli Margie.” Ni ku mu bulelela ka mwa na utwela singonyi kwa mazoho a hae, mi—mi ona maikuto a maswe ani.

Kalibe yomunyinyani yani ubeleka musihali ni busihu, ona cwalo, kulo kwani, ku . . . ki me ya ikutekile yo munyinyani, kuli atuse muuna hae kulifa ndu ya bona ye balika ku yaha. Mi—mi yena ni munyana hae wa kezeli, Nellie, ni Charlie, yani ki muzwale wa Rodney, musala hae, ni bona kaufela ba beleka hamoho kwa libaka zani, ka kuikataza luli mo ba kona kubela. Ni ku yemela maswabisa. Ba lumeleza milili ya bona kuhula, ni

ku tapa mipende kwa lifateho, lika ze cwalo, haba ba Bakreste. Ni lumela mwa kufa tumbo fo ku lukela tumbo. Mi Ni nani sibaka se sinde luli mwa pilu yaka sa basizana bababeli bani.

²⁸ Mi kipeto ni ku muswala kwa lizoho ni ku mu lapelela. Mi a nanuha, mi ba palelwa ku fumana mutala wa butuku bwa hae shuka kai ni kai. Bu zwile, ona cwalo.

Kalibe ya inzi ona mwahali mo kokuñwi, yana bizizwe, mi neli kezeli wa libizo la Bruce. Ha ni mu boni kakusasana cwana, kono nali cwalo kamita. . . Ki musali luli wa litapelo. Mi musali yo ataha mi, neli la mafelelezo hane Ni li kwanu, mi nekusina—nekusina kadi ya tapelo yene filwe, kamba sika kaufela, kacwalo hakuna mutu, hapena mukoloko wa tapelo, kacwalo neba li fela. . . Moya o Kenile no tilo biza fela mwahala sicaba.

²⁹ Mi yena Ma Bruce yomunyinyani yoo, fela na—na ti lo foliswa ona fani, yena kasibili, ni kansa. Mi musali—mi musali wateni nana ni mutiyo mwa pilu ya hae kamita bakeñisa mutu yomuñwi, mi na sweli fela kulapela. Mi nekuna ni kalibe mwa Louisville, yana ya inza shwa, kansa fa mumizo. Mi ha na sweli kulapela, Moya o Kenile wa ya kulibana ni yena musali yani, wa mi biza, ni kaufela Zo no ezize, wa mu bulelela kuli nali mañi, ku mu bulelela, ni taluse, yo nali yena, ni sene sili butata bwa hae, ni ka yena hana nani kansa, mi a bulelelwa, kuli na kaba hande. Mi kalibe yomunyinyani yani aya kwa hae.

Mazazi nyana kasumulaho wa fani, akala fela ku fipelwa kuya kwa lifu, bukaufi, mumizo wa hae wa luluha. A to hotola hahulu, mi kansa yani ya tulela kwande. Mi uiketile. Mwabona?

³⁰ Ki sikamañi sene si ezahalile, mwa bona, neli sikoto, luli, ki sikoto se si na ni bupilo ku sona. Mwabona? *Kansa*, bo buzwa kwa—kwa linzwi, ka linzwi la za lipatela, kuli “nkala,” le li talusa kuli si na ni mautu, mane inge—inge nkala ye mu fumana mwa liwate mi—mi i anya mali ku mina. Mi ni sona sikoto sitombo tuna sani mwa mumizo wa hae, mo ne siinezi, sani kona se ne si ezahala.

Cwale, mwabona, Ha ni talimani ni sikoto sani. Ni talimana ni bupilo bo bu inzi mwa sikoto sani. Mwabona? Bupilo bo bu inzi mwa sikoto sani kona bo bu talimana ni bona. Mwabona? “Mwa Libizo la Ka ba ka leleka mioya ye maswe.” Linzwi la kuli *diabulosi* kikuli “munyandisi,” sina mwa mubili. Mi yo neli diabulosi. Mi cwale bupilo hane bu zwile mwa sitombo sani, eeni sha, kuli mutuhele sikoto sani si luluhe.

³¹ Inge nja ye nyinyani ye hatilwe mwa mukwakwa, nto ye cwalo, mu isiye ilobale mwa lizazi mwani fa mazazi nyana, mi, ikaba yekima habeli mwa butuna bwa yona.

Kihande, sani kona sene si eza musali yani kuba mwa butuku hahulu. Linako zeñata Ni tatuluzi zeo. Haiba mu totobela mwa butuku, sani kona sisupo luli sa kuli mu folile, mwa bona. Mi kacwalo neli fela kuba bumaswe ka nako kaufela, ni ku mu

fipeliswa, kakuli ne u luluha. Mi ni . . . Kono ne u tamuluhile, bupilo ne bu zwile mwateni. Mi na sweli kuhotola ona cwalo, mwa bona, [Muzwale Branham wa hotola—Mu.] sina *cwalo*, kumela, wa li hoha kuzwa mwa mubili wa hae kaufela. Mi ni lika ze shwile, neli fela mubili osina bupilo ku ona, kansa ne se i zwile, ne itulezi fande, mwabona, kuwela fande.

³² Kacwalo, sani ki sona, mubili no zwile mwateni ona fani. Yani ne si diabulosi ya na zwile. Yani neli yona ndu ya na pila ku yona. Na zwile bakeñisa tumelo ya musali ku sa na bulelezwi, ka kuziba kuli Jesu Krete ki ya swana maabani, kacenu, ni kuyakuile, sani kona sene si bulaile kansa, ni ku zwiseza bupilo kwande.

Cwale, na ka ya—na ka ya ku dokota, mi dokota na kali, “Bukuba, si—si—si sika seo siteni fani sina mo ne si belanga teni kamita.” Kono sani ne si lukile, sitombo ne sili teni, kono isiñi bupilo, ne bu siyo. Mwabona?

³³ Cwale, kucwani kambe sani ne si kaba kusili kone—kone si si ka zwa?

Kana kona siswaniso seo? [Muzwale Neville u ambola ku Muzwale Branham, “Sani ki siswaniso sa sikoto sene si zwile ku Musala bo Baker, kwani neli kwa Springfield, Indiana. Mi yena . . . Se ki siswaniso se si ezizwe mwa butuna, sa na kwile, kasamulaho wa tapelo.”—Mu.] Ki se siswaniso sa sikoto sene si zwile ku Musala bo Baker, ku zwa kwa Springfield, Indiana, sa na kwile, kasamulaho kulapela. Sani kona siswaniso sateni. Mwabona, wani kona mubili wa diabulosi wa na pila ku ona.

Kuswana fela inge kupila mwa mubili mo mupila mo; wakona kuba o munyinyani, omutuna, wa toho ya milili ye fubelu, milili ye minsu, kaufela seo sili sona. Mwabona? Diabulosi upila mwa mubili wo, kamba Krete ki yena yapila mwa mubili woo. Kihande, kasamulaho kieto bupilo bwa zwa mwateni, mubili wa mina usali mwa lifasi mo, mwabona, kono bupilo ha bu yo mwateni.

Mi bupilo hane bu zwile mwateni, mubili no sali mwateni. Mi kipeto se u ikaba ku zwa ku yena mi wa pumeha kwateni, mubili no zwezi kwande.

Kono haiba sani si mwa sibaka mo si palelwa kuzwa, kona kuli pilu ilukela kunga sikapi se si shwile sani ni ku kenisa mali, nako kaufela ha i nata. Si tisa libelenge, ni lika zeñwi kaufela, kakuli ki butuku. Mwa bona? Mi pilu ya mina ina ni ku . . . Ni sepa kuli pilu ya kenisanga mali hasweli kufita cwalo. Kana ku cwalo, Kezeli Dauch? Ni sepa kuli yeo ki niti. Pilu, ha isweli kunata, ya kenisa. Nesi, mwa ziba, ni yomuñwi ya inezi kwa pata a hae. Kuken- . . . a lwala li . . . Mi sani kona se si tisa libelenge kuzwa kwa butuku. Li tisanga butuku ni—ni ku felela mwa libelenge.

³⁴ Cwale, sicaba, mwa bona, ki tumelo ya mina. Ha ki maikuto a mina. Ha ki sesiñwi, kamba ku cwalo, haiba lizoho la ka la ha li yo hande. Sani hasina nihaiba nto iliñwi ya kueza ni sona. Ki tumelo ya ka ye beleka lika. Mwabona? Ona fapila luna, lu bona siswaniso sa mutu ya folisizwe hande, ka tumelo. Mi kipeto lu ya fela muhato ka muhato kufitela lukena ku mwahali a mutu yani, ni ku zamaya fela kukena ku zona. Mwabona? Ki fo he cwale. Mi sani, sani kona se si eza lika, tumelo ya mina; isiñi maikuto a mina. Tumelo ya mina kona ye peta lika. Buitumelo ni milumbeko libe ku Mulimu!

³⁵ Cwale nako nyana fela ya tapelo, mi luna ni tuto fa ye lubata kuli lu lemuhe za yona, ni nako nyana yeo Mulena uka talimana ni luna kuya ka se.

Mi, cwale, mi cwale haiba alimuñwi wa mina una ni kuya kakusasana cwana, mi asike aba mwa sebelezo manzibwana, Mulena ha lata, Ni—Ni bata kuba mo hape. Lubasi lwa taha mwa sunda ya Kilisimasi. Mi cwale, Sunda ya mwa mulaho wa Kilisimasi, haiba Mulena alata, Ni bata ku kutaza Liñusa la ka la Kilisimasi kwanu kwa tabernakele; Sunda kasamulaho wa Kilisimasi. Haiba Mulena wa lata, palo ikaba kuli, *Mutala Fa Nzila*.

Kacwalo ha lu inamiseni litho za luna ni kufa taelo lu si ka bala kale palo yeo.

³⁶ Mulena Jesu, Ube bukaufi ni luna ka yona nako ye. Mi lu ziba kuli kutata mwa keleke ya luna nyinyani, mi ni babañata ba yemi. Mi—mi luteni mo isiñi ka bakeñisa mbombolelwa ya sibaka, se si lufa mbombolelwa ya butu, kakuli ha ki yende ka mbombolelwa. Mi ha luyo mo kuli lu to boniwa. Kono luteni mo kakuli lu utwile Kubateni kwa pata ya Hao. Mi lu ziba kuli Uteni mo. Mi luteni mo kwa sikuluhō. Mi luteni mo, ka kuziba kuli lu mwa ndu ya Mulimu. Mi lu utwa bunde kuba mo, hakuna taba ka mo sibezi sesi sina mbombolelwa, sicaba se si yemi, ni—ni se si kubukani, kono luteni mo kakuli lu—lu ikutwa kuli Mulimu uteni mo.

³⁷ Mi ka nzila yeswana yana utwile mushimani yani busihu bwani, mi Paulusi na kutalize busihu kaufela, ha ki kutazo yetelele ni yeo, ne i kalile ka mwendi ka ku likela kwa lizazi konji ku yo fita kwa kupazula kwa lizazi, kakusasana o tatama. Mi mutangana yomunyinyani na inzi fahalimu fani, awa mi ba hupula kuli na shwile. Mi Paulusi a lobaza mubili wa hae ku yena, mi Moya wa Mulimu onoli ku mulumiwa wa kutisa moya wa bupilo mwa mubili wa mushimani. Mi ki hali, “U kaba hande,” mi mutangana a pila. Na tabela za na bulela Paulusi.

³⁸ Mi, Mulimu, lu tabile kakusasana cwana ka seo Moya o Kenile ukona kubulela kwa lipilu za luna. Mi lu lapela kuli Uka komauna Sinkwa sa Bupilo ku mañi ni mañi wa luna, kuli ha lu ka zwa mo kacenu, kuli lusike lwa zwa mwa muyaho wo lu li batu

baba swana hane lu kena. Mi Bakreste babe bukaufi ni Wena. Mi baeza libi ba fetuhe kacenu. Bakuli ha ba fole. Mi cwale Mubuso wa Mulimu utathe ku luna, kamba nihaiba kuba ku luna. Kakuli lu kupa ka Libizo la Jesu Kreste, hanze lu libelezi Moya wa Hae kulufa Manzwi. Amen.

³⁹ Cwale ha lu baleñi Mañolo nyana, ili mane. . . Linzwi la Mulimu li lukile kamita.

Mi cwale, mi lifi ni lifi kaufela, Ni bona kuli muna ni sishemo ku ba bayemi. Ni boni mutu ya yema ni kuina fafasi, ni kufa mutu yomuñwi sipula. Cwalo kona hande luli. Ni lakaza kuli kambe luna ni sibaka sesituna, kono haluna sona fela, ni ka nako ye.

A mu apule mwa Mateu 27, mi lu ka bala kuzwa fa timana ya 11, mi luka bulela fa tuto ye.

Mi Jesu na yemi fapila mubusisi: mi mubusisi a mu buza, ali, Kikuli ki wena Mulena wa Majuda? . . . Jesu ali ku yena, U bulezi.

Mi hana tamelezwa litaba ki baprisita ba bahulu ni bahulu, atokwa ku alaba sika.

Cwale Pilato ali ku yena, Kikuli ha u utwi litaba ze ba kutama?

Mi a tokwa ku mu alaba nihaiba linzwi; kuli mane mubusisi a komoka hahulu.

Cwale mwa mukiti wo mu—mu mubusisi. . . abata ku lukululela sicaba lipantiti, yo ne ba lata.

Mi ne kuna ni lipantiti mwa tolongo, ya bizwa Barabasi.

Kacwalo hane ba kopani hamoho, Pilato ali ku bona, ki Mañi yo mutabela kuli Ni mi lukululele? Barabasi, kamba Jesu ya bizwa Kreste?

Kakuli na ziba kuli ba muta litaba kusina mulatu.

Mi ki haina fa sipula sa ku atulela, musala hae amu bulelela, ali, Usike. . . wa ba ni sa kueza ku muuna ya sina mulatu yoo: kakuli Ni katalizwe hahulu ka litolo lizazi la kacenu bakeñisa yena.

Kono baprisita ba bahulu ni bahulu ba hapeleza nyangela kuli ku lukuluhe Barabasi, mi ku bulaiwe Jesu.

Mubusisi a alaba ni kuba bulelela kuli, Ki ufi mwahala bababeli bao yo mubata kuli Ni mi lukululele? . . . (Munahane fela cwalo!) . . . Se bali, Barabasi.

Pilato ali ku bona, Ki sikamañi se Ni ka eza ni Jesu ya bizwa Kreste? Ki sikamañi se Ni ka eza he ni Jesu ya bizwa Kreste? Mi kaufela ba kalumuka bali ku yena, Yo a kokotelwe.

*Mi cwale mubusisi ali, . . . ki mulatu mañi wa ezize?
Kono ba huwa katata, inze bali, Yo a kokotelwe.*

*Cwale Pilato abona kuli na palelwa kueza sika, kono
siyongili neli sesituna, a nga mezi, mi a tapa kwa
mazoho fapila sicaba, mi ali, Na hanina mulatu mwa
mali a mutu ya lukile yoo: amu ipone yena.*

*Mi sicaba kaufela sa alaba, mi sali, mali a Hae abe
fahalimwa luna, ni fahalimwa bana ba luna.*

*Mi ki ha ba lukululela Barabasi: mi amano shapa Jesu,
amu lukulula kuli a kokotelwe.*

⁴⁰ Haki siswaniso kwa ku tomolisa pilu ni seo! Ni biza palo ye, haiba muka tabela ku i peletela cwalo, Kamba kuibiza cwalo. Mi Mwendu tepu muka tabela ku i beya mukanga wa kuli: *Ki Sikamañi Se Ni Kaeza Ni Jesu Yabizwa Krete?* Mi tuto ye Ni bata kuitusisa, kasumulaho wa seo kuba palo yaka; Ni bata kuitusisa toho ya taba ya kuli, “kuba ni Jesu mwa mazoho a mina.” Kuba ni Jesu mwa mazoho a mina, ki sikamañi se mu ka eza?

⁴¹ Taba ya luna ikalela, kakusasana cwana, mwa muyaho wa katulo; koo Pilato, mubusisi, na bizizwe kutaha mwa sibaka, kuto—kuto eza kezo ni—ni kufa katulo. Neli kamapakela kakusasana, ka kuitahanela luli li si ka pazula kale, mi na katalizwe mwa buloko bwa hae, mi—mi na bizizwe kuli ayo utwa taba—taba ya Muuna yo.

⁴² Neli nako ya ku takiswa kwa Mulena luna ni Mupulsi, Jesu Krete. Yena hakuna—Yena hakuna sana ezize, sina mo ne ba Mu fumanezi, mi Na—Na alabile lika kaufela. Neli fela yona hola yene ina ni kuba ona cwalo.

Hakuna se si kona kuezahala kusina kuba ni sika mwa mulaho sa kutisa sika seo. Ku lukela kuba libaka leliñwi mwa sika kaufela se si ezahala. Kakuli sa—sa susumezwa, eeni sha, ka—ka moya oli mwa libupiwa, ni mwa libupiwa za batu, ni zeñwi cwalo. Kuna ni mulelo, mulelo wa sika, mi ni—mi ni muhupulo, mi ku lukela kuba ni libaka.

Mi seo, libaka taba ye ze ne iezahalezi ku Muuna yomutuna yo yakile apila mwa lifasi, kamba ya kile apila kaufela; libaka lene si ezahalezi cwalo, kakuli neli nako ya kuli si ezahale. Mwabona? Si lukela kuba cwalo, mi nekusina mukwa wa ku picuka ka ona. Sona, ne sina ni kuba ka nako ona yani.

Mi Jesu natile mwa lifasi ona cwalo fela Linzwi la Mulimu mone li bulelezi kuli kona mwa Na katela. A eza fela ona cwalo ka ku zamaelela ni sene li bulezi Linzwi kuli kona sa Ka eza. Na pilile bupilo bwatani, ona cwalo kaswanelo, mi Mulimu a zibahalisa, kamba ku bonahalisa, Peu ya nako yani. Cwale muhupule, Mulimu. . .

⁴³ Biblele ikala mwa Genese ni kuyo punya mwa Sinulo. Cwale ki ye tuto yeo Ni—Ni bata kuli mu utwisise, kuli. . . Mwabona, mwa lusika lufi ni lufi ku bulezwi, mwa Biblele, ka sika sesiñwi kuezahala mwa lusika lufi ni lufi.

Sina Daniele hana boni. . . tolo ya Nebukadinezare; kamo mibuso ya Bamacaba neika tela, ni mo ne ika shandaukela, ni mo ne ika yundela. Mi ufi ni ufi wa batu ba masika ani ni linaha zani, ona mata a Bamacaba ana sweli kubusa, ba busies lifasi loote, na ezize fela ona cwalo mo ne ibulelezi pono kuli kona mob a ka ezeza.

⁴⁴ Fani Nebukadinezare, yena toho ya gauda, hane iingilwe, kona kutaha ba Mede-o-Persia ba taha; ni mufuta wa bona, kuya ka—ka sibupeho sa za nama, mi kuya ka sana bulezi mupolofita, ona cwalo fela. Nebukadinezare, yena toho ya gauda, yeli ona Mubuso omutuna hahulu mi wa pili mwahala mibuso. Mi ba Mede-o-Persia bona ki silivera. Mi cwale kuya kwatasi fa malupi, a—a tene neli sipi. Mi sipi ifi ni ifi kaufela neiya itiya ni kutiya; gauda yona neli ye bunolo ka kufitisisa. Mi kipeto iyo felela mwa sipi ye bizwa ayoni, yeli yona ye tiile hahulu ka kufitisisa ku zona, ki sipi ya ayoni.

Cwale, ufi ni ufi kaufela wa mibuso yani ne utile ka swanelo yatani luli, ka butu, ona mwa na bulelezi mupolofita kuli kona mwa na ka ezeza. Mi ki sikamañi sa na sweli kueza? Na sweli kucala peu yene li lukela kubona linaha, mi nako ni nako fo mubuso wani hane utaha mwateni, neina ni kueza kuya ka sene li bulezi Linzwi lani.

⁴⁵ Mi cwale Mesia nana ni ku iponahaza. Mi cwale Kreste ha natilo bonahala, Na alabile Manzwi ani a Mulimu ana lukela kutalelezwa, ana bulezi mupolofita, kuli sani kona sa Na ka eza.

Mushe naize kuli, “Ukaba mu—Ukaba Mupolofita ya swana ni na.” Mi haiba nemuka ba ni. . . ne lukaba ni nako ya kubonisa sani kwa mulaho ni ku si bonisa ka nako ya sona yende, fani Isilaele hanali mwa butanga mwa Egepita, ka mwa na pepezwi Mushe ali ya ipitezi, mwana ya shutani; mi mane ni mwa—mwa na hulela, ni mwa na hulisezwa, ni mwa na patezwi mwa mataka a nuka; ni mwa na ti lo bela mueteleli, aya mwa malundu ku yo amuhela mulao, mi a shetumuka kutuluka. Mi na si fela mueteleli; kono nali muprisita, ni mulena, nali mubusisi. Ona lika zani kaufela, mi mane kuli zani ne li swanisisa fela Kreste ka swanelo. Mi Mushe ali, “Mulena Mulimu wa mina uka zusa Mupolofita ya swana sina na.” Mwabona?

⁴⁶ Cwale, Kreste hana pepilwe, Isilaele nali hape mwa butanga ka Mubuso wa Siroma. Mi Nali sikamañi? Na pepilwe ali Mwana ya shutana, ya ipitezi, ka mwa Na huliselizwe. Mwa Na yezi mwa malundu, ni kutaha ku to bulela kuli, “Mu ba utwile ha baize, bani ba kaile, ‘Usike wa uzwa.’ Mu ba utwile ha baize, ‘Usike wa buka,’ kono Na nili, yo kaufela ya talimela musali ka

ku mu lakaza, u sa mu bukile kale.” Mufani wa Mulao, mwabona, ni Mulena, Muprisita, Mupolofita, ona cwalo fela sina yena. Kacwalo ona lika ze kaufela nelina ni ku taleleza, mi cwale sibaka sani hasili fani sa bupilo bwa Mesia, kona fani hane si tilo talelezwa hande.

Cwale, ye ikona kuba tuto yetelele ye Ni kutaize fa nako nyana. Ni bata kuli muteeleze ka tokomelo cwale.

⁴⁷ Mi Linzwi ha li bulezwi mwa lusika loluñwi lo, kukaba ya ka taha kuli ato taleleza Linzwi lani, kakuli Mulimu u Si bulezi. Ki ponahazo ya Linzwi leli bulezwi. Mi Jesu na kopani ni linepo kaufela, mi nali yena Linzwi, leli pakilwe ka Mesia, luli. Kuna ni Manzwi hape, a bulezwi mwa Bibebe, kwa lizazi la maungulo. Manzwi ao ana ni kutaha kwa bupilo.

⁴⁸ Mi lufumana fa kuli, mi mwa mazazi a Mulena luna, keleke ne i Muhanile kale Asika taha kale ku Pilato mwa muyaho wa katulo. Ne ba Mu hanile, kuzwa ka lizazi leliswana leo bulumiwa bwa Hae hane bukalile kupolofita ni ku ba bulelela Niti ka Linzwi. Mi, ne ba sa utwisisi sani, kuli Yena, kakuba Mutu, na kona kuziba za lipilu za batu. Kanti ne basa zibi, kuli, Linzwi ki yena Mulimu! “Mi ni Linzwi,” Bibebe ibulezi kuli, “ki mulemuhi wa mipupulo ni maikuto a mwa pilu.”

⁴⁹ Mi neba bata ku Mu biza kuli nali Moya o maswe. Hana ize, “Na mi swalela ka zeo. Kono cwale Moya o Kenile a u kataha ku to eza nto ye swana, kubulela linzwi la kunyaza Zeo hakuna kuba swalelo.”

Mi lika ze kaufela za Na polofitile kuli likaba mwa lizazi le, sesiñwi sina ni kutisa sani kwa bupilo. Kono cwale ha Li tiswa kwa bupilo, Sina ni kushutana hahulu kufita batu mo hupulela kuli kona mo Siinezi, kufitela ikaba—ikaba fela ya Ketilwe ki yena ya ka Li bona. Kamita, ki ya Ketilwe fela ki yena yakona ku Li bona, kakuli Li ketilwe mi u lukisizwe ku Libona. Kabakaleo, ha kukonahali, kuba ka nzila isili fela.

⁵⁰ Jesu naize kuli, “Hamukoni kutaha ku Na. Hakuna mutu yakona kutaha ku Na konji kuli Ndate a mu bize; mi bao kaufela Yen aba Ni file baka taha ku Na.” Mwabona? Mwabona? Kacwalo nekusina nzila isili hape. Na bulezi kuli, “Muna ni meeto kono hamukoni kubona; lizebe, mi hamukoni kuutwa.” Ali, “Kihande kana Isaya na si ka polofita cwalo ka mina.” Mwabona? Bupolofita bwa Isaya bwa utwahala, habunze bu iponahaza.

Musike mwa libala seo, mwahali mo kamba muteelezi wa tepu, kuli Linzwi la Mulimu li lukela ku bonahala. Mulimu utamehile kubona kuli La ba cwalo.

⁵¹ Inge fela Joani Mukolobezi mwa na tomezwi kuli aetelele kutaha kwa Kreste, neku lukela kuba muuna yana ka nga sibaka sani. Linzwi lani lina ni ku talelezwa.

⁵² Mi cwale Jesu ha taha sina Mesia ya tozizwe, ni kueza ona cwalo fela sene li bulezi Linzwi la Mulimu kuli Uka eza; kono niteni Majuda ne bas a libelela nto isili nihakuli cwalo, “Mulena yana lukela kutaha ni mulamu wa sipi mwa lizoho la Hae,” yana sa taha kafoo kwahulehule kwapili. Kono Yena ataleleza Linzwi kaufela.

Kwani zazi leliñwi mwa Karpenauma, ha Na tilo nga Liñolo ni kubala, (kana mu lemuhile?) Na balile fela siemba sa Liñolo lani. Mi ha Na beile Buka fafasi, abulela kuli, “Kacenu se si talelelizwe.”

⁵³ Ha Na bata kuli akutaze ka mwaha wa tukuluho, cwale, ki kabakalañi ha Na si ka bala kaufela Yona? Kakuli Ne ilukela kuba kwa Kutaha kwa Hae kokuñwi. Neba sina mukwa wa kuziba sani. Sani ki sa lusika lusili fo Ha ka taha.

Kono lusika mona mwa Na pila, kona ha Na bulezi kuli, “Liñolo le li talelelizwe kacenu mwa meeto a mina. Ona fa mwa Li bona. ‘Ku kutaza mwaha o lukela, ni ku katulusa baba lobehile lipilu, ni kufolisa bakuli.’” Sani kona sa Na tezi.

Zeñwi za Zona neli—neli kutisa katulo ku Bamacaba, ni zeñwi cwalo, kacwalo sani sitaha ka kutatama. Mwabona, Bamacaba ne ba Mu hanile, pili.

⁵⁴ Cwale, ka nako ya kutakiswa, ili fo luinzi kacenu mwa tuto, ya, “Jesu mwa mazoho a mina.” Linzwi la Mulimu libile li iponahaza hande, ni pakilwe kuya ni kukuta, kuli Nali yena kalabo kwa Linzwi la Mulimu. Ili kafo bañoli bani . . .

⁵⁵ Mwa bona, Mulimu una ni Lona le li beilwe hande. Mutuhele bulumiwa bu Li balisize. Kono, mwa bona, ba ikungela linzwi la mutu usili fela mwa sibaka sa Lona; sikwata sa baana cwalo. Ki libofu hahulu kwa Niti, kuli, haiba Nitii ibonahaliswa, ba palelwa ku I bona. Kono, mwa bona, Mulimu wa sepahala, Una ni Lona liñozwi fani. U li ñozi hande, ona mwa Buka mo, se si ka ezahala kacenu, kacwalo Li ka talelezwa. Kono babañwi baba si ka supezwa kuli ba Li bone, Habana ku Li bona, mwabona, bona—bona ba Li lyanganisize.

⁵⁶ Mi yani kona Nzila mone yene banani ka Lona nako yani. Ne ba si ka ziba kuli Neli Yena luli. Mi ka lisupo za kuli Nali yena Mulumiwa wa nako yani, hakuna mutu ya naka li latula. Mupolofita wa Hae na bulezi ka zona; naize kuli, “Na, Ni lukela ku kusufala, kono Yena uka ekeza. Ha ni lukeli kutamulula likatulo za Hae, kono Yena uyemi mwahala mina cwale,” Joani abulela cwalo. “Mi Uka taha. Mi silepe se si yendekilwe kwa mubisi wa kota; mi likota ze sa beyi miselo lika lemiwa mwa mushitu, kuli, kamba kuzwa mwa—mwa simu ya veine, kamba mwa—kamba mwa litema la likota za litolwana. Haina kuba mwateni ni kamuta.”

⁵⁷ Cwale, lu fumana kuli lika zani ne li ezahalile ona cwalo fela handende ka mwa Na bulelezi. Na konile ku lemuhla mihupulo

ya bona mwa lipilu za bona. Nali Mupolofita. Lika kaufela za Na bulezi kale, za ezahala ona cwalo ka swanelo sina mwa Na li bulelezi.

“Ni ya kwa Jerusalema. Kwani Ni yo beiwa mwa mazoho a batu baba maswe baezalibi. Mi baka Mu nyandisa, mi Uka kokotelwa. Mi ka lizazi la bulalu Uka zuha hape.” Kono ali, “Musike mwa bulelela mutu litaba ze.” Mi A ba libalisa Zona, kuli mane ba palelwa ku Li utwisisa kufitela ha Si to talelezwa.

⁵⁸ Mwabona, linako zeñata Wa lu tuhelelanga kuba libofu kufitela nako ye lu Li tokwa. U lu tuhelelanga kuba libofu kwa lika zelubona kacennu, kakuli ye ki yona hola yelu Li tokwa, ili kupaka lizazi le lupila ku lona. Mwabona? Bashemi ba luna neba sa zibi lika zee. Bibelesibulezi kuli ne bas a lukeli ku li ziba. Na li patile, mi mwa—mwa mazazi a maungulo Li ka patuluha kwa ban aba Mulimu; kamba, kueza, kuli li bonahale, ku bonisezwa kanya ya Hae ni milumeko ya Hae fa lifasi.

⁵⁹ Mi kaufela za na bulezi Daniele ka mazazi a maungulo, mane ni kuli, “Bona baba ziba Mulimu wa bona baka eza ze komokisa.” Ni Mañolo amañata fela atamahana mwa lizazi le lupila ku lona! Kuli mane bumaswe bo kaufela, linako ze puma lika taha mwa lifasi! Mi ona se lunani cwanofu fa sa Li taleleza.

Bona, neba—neba filwe kolo ya ku Mu bona, mi, kono ba hana Mesia wa bona luli.

Mi kacenu ki nto yeswana, yona nto yeswana luli. Lu filwe kolo, kakuli Mulimu hakoni kuatula konji pili. . . . kakuba ya lukile mwa katulo ya Hae.

Cwale, hane muka bulelela mutu—mutu yomuñwi ya na zamaya mwa mukwakwa, inza matisa mota hahulu; ne mu ka mu yemisa, kuli, “Kuna ni—ni musima mwa mukwakwa kwapata nyana. Haiba u zwelapili ni kumata ko kucwalo kwani, uka bulaiwa.”

⁶⁰ Mi yena uli, “Bukuba, Na ziba ze Ni eza.” Kipeto, muka bona, mali hana kuba ku mina, kakuli mu mu lemusize ka swanelo.

Kihande, Mulimu ueza lika ze swana ka Linzwi la Hae. Wa lemusanga sicaba ka za katulo ye taha, ni kubonisa lisupo za Hae ni ze komokisa ze sepisizwe mwa Bibelesikwa lusika lwateni. Wa ba bonisa, mi kipeto sicaba si zamaya fela ni ku Li fitelela.

Ha ki nto yebunolo kuli mutu aye kwa lihele. Mutu una ni kulwana kuikapeleza katata kuli aye kwa lihele. Buhata bwa pili bone mu bulezi fateni, mu ziba kuli ne ku fosahalile. Ona mushanga wa kwai omukile mwa zuba fateni, muziba kuli no fosahalile. Bumase bwa pili bone mu ezize, muziba kuli ne ku fosahalile. Kono mwa lizwalo la mina, ne li mi bulelezi kuli ne ku fosahalile, kono mwa tundamena kukena mwa liseli leli fubelu, mwa mata kutula makwakwa. Muna ni kusa tokomela. Mu bata kueza cwalo, kupale kumane, kubonahala kuli mu baika

babatuna cwalo. Mwabona? Kono, muhupule, mu iakepeleza mina bañi kuya kwa lihele. Ha ki nto yebunolo kuya kwa lihele. Muna ni kuhana Niti.

⁶¹ Musikaba kale ni kozi, muna ni ku sa tokomela liseli le li fubelu. Musikaba kale ni kozi, muna ni ku, ona mwa mukwakwa mwani, muna ni—muna ni litemuso ze pahekilwe. Kono, mina, mu ikungela nzila ya mina bañi ka zona, mutu u cwalo kacenu. Mi uziba hande kufita mutu ufi kaufela, mi hana kuteeleza kwa—kwa lisupo ni letumuso za Katulo ye taha, ni bani baba hana Kreste.

⁶² Cwale mulemuhe, ni zene ba amuhezi mwa sibaka sa kuamuhela Kreste. Cwale munahane ka keleke ya lizazi lani, bubofu bwa bona. Ne ba hanile sibulai yana zibahala, Barabasi. Muuna yana pakiwa kuli neli sibulai, mi luli nasweli kulibelela katulo ya hae. Mi ki—ki a pakiwa kuli—kuli nali sibulai, mi neli muuna ya maswe. Mi fela bakeñisa kuli—kuli Bupilo bwa Jesu. . .

Kakuli, Yena, Yena na ba swabisize. Na ize kuli, “Ki mañi wa mina yakona ku Ni swabisa ka sibi?” *Sibi* ki “ku salumela.” “Haiba ha Ni ezi misebezi Ya Ndate, konakuli musike mwa Ni lumela; haiba ha Ni si ka mi bulelela Niti ya Mañolo. Mi Mañolo abulezi ka Na, Ona kasibili. Mubale Mañolo,” Abulela kuli, “kakuli ku Ona munahana kuli muna ni Bupilo Bobusafeli, mi ki Ona a paka ka za Ka mwa lusika loo.”

⁶³ Kono se bali, “U ikeza Iliyena kuba Mulimu. U ikeza Iliyena kuba nto yeñwi.” Hakuna sa na ezize. . . Mulimu na Mu ezize Mulimu; Nali yena Mulimu. Nali mutalelela wa Mañolo. Na si ka ikeza Iliyena nto isili. Mulimu ki yena yana Mu ezize kuba sa Nali sona. Mi, cwale, kakuli neli nako ya Linzwi lani kuli li talelezwe. Kacwalo, kono ne ba palelwa ku Libona, kakuli Ne li lwanisa mihupulo ya likopano za bona, sene ba hupula ka Kreste. Mi neba fofalilizwe hahulu kwa Linzwi.

⁶⁴ Cwale, mi kwanda seo, kuli ba mu bulaye Mutangana yo, neba na ni ku amuhela sibulai, sisinyi se si zibahala, hape. Neli sipuku kwa sicaba, sipuku ku bona; sibulai! Neba na ni ku si amuhela, kakuli, ba—ba hana Kreste.

Mi muuna ufi ni musali ufi kaufela asika amuhela kale mafosisa, una ni kuhana ze lukile. Kuna ni se sili mwa lika ze bupilwe, kuna ni mulao ku zona, wa kuli muna ni kuhana ze lukile ni ku amuhela ze fosahalile.

Sina ha Ni sa zo bulela zeo, kwa—kwa ku sa bulela buhata. . . Mu—mu bulezi buhata ka kuatula hande. Ne mu bulezi buhata ku ya ka lizwalo la mina. Mu bulezi buhata ka ze ba mi lutile bomaa mina kamba bashemi ba mina sene ba mi lutile kuezwa. Kamba, nihaiba ze bupilwe za mi luta nji cwani. Kacwalo, kifohe, mina, kwa kuhana Niti, muna ni ku amuhela bu—bu—

buhata, mi muna ni kuhana Niti mu si ka amuhela kale buhata. Mwabona?

⁶⁵ Kacwalo yani kona nzila mone ba ezelize batu ba, neba hanile Niti. Mi Nali yena Niti. “Kina Nzila, ni Niti, mi ni Bupilo.”

“Kwa simuluhō nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a iponahaza mwahala luna.” Mwa Timotea Wapili 3:16, “Kusina likañi, kunutu ya bumulimu ki yetuna, kakuli Mulimu na bonahalile mwa nama, a swaliwa ka mazoho a luna.” Mulimu, Jehova! Ki—ki ze komokisa, za komokisa, ka ku nahana kuli yena Mulimu Yana beile li—li—lizazi mwa mbyumbyulu, yana ezize linaleli zetuna mwendi kufita lifasi kwa butuna . . .

⁶⁶ Mi haiba iliñwi ya linaleli zani hane lika kala kuwela fa lifasi, ka lubilo lo lu likana limaili ze teni sauzande ka hola, kiñi, ne kukanga lilimo ze likana handeleti milioni ku to fita fa; ki kwahule hahulu. Ni linaleli zenyinyani ze tomilwe, li bonahale inge li kauhani ka inci ku yeñwi ni yeñwi, kuzwa fa, li kauhani hahulu ku yeñwi ni yeñwi kufita mo lubezi kwahule ni zona. Mi, ibo, mi hakuna ni yeñwi ya zona konji ze inzi mwa sibaka sa zona. Mi ni ona libunda la linaleli zani, oh, mawi, butuna ni buñata bwa Mulimu Yena ya kona kueza lika zani! Yeñwi ni yeñwi ina ni kuswalana ni yeñwi. Lani kona libaka ha liinzi mo li inezi. Haiba likona ku zwa mwa sibaka, mulao kaufela neuka wa.

⁶⁷ Sani kona sene si ezahalile mwa Edeni. Fani Eva hana zwile mwa sibaka ni litaelo za Mulimu, lusika kaufela lwa wa.

Bwani kona butata kacenu. Ha lu lukeli kuikaba mwahala tutengo ni likopano, ni zeñwi cwalo. Lu lukela kuba bana ba bashimani ni ba basizana ba Mulimu, ka kuswala libunda la linaleli za lifasi kaufela hamoho.

⁶⁸ New York, sunda yefelile, Ne ni sweli kuteeleza kwa liñusa le li bulezwi, kamba lene li bulezwi ki Einstein, mutu yomutuna wa sayansi, zona—zona ze bizwa kuli booko bwa—bwa nako. Mi Ne nili . . . ne ni utwile cwalo. Mi se Ni yo teeleeza Norman Vincent Peale, ka mubonelo wa hae ka za minahano ya batu mo ilukela kubela, kamba kuzamaya, ni kuipeya bona bañi mwa ku nahana za minahano.

Mi, haili Einstein, na sweli ku bulela ka za libunda la mafasi a linaneli ainzi mwahali mwani, kuzwa mwa linaneli. Mi haiba mutu ukona ku mata ka lubilo, Na lumela na bulezi kuli, ka liseli, . . . Cwale, Na sepa, sani ki kuli, . . . eite sikisi sauzande? [Muzwale Neville uli, “Handeleti ni eite sikisi.”—Mu.] Handeleti, handeleti ni eite sikisi sauzande limaili fa muzuzunyana, kona mo lizamaelanga liseli. Cwale mualule seo mwa mizuzu ye ketalizoho, ki ma milioni ni ma bilioni amakai a limaili akona ku ba teni. Mi ni—ni lilimo ze likana handeleti ni twenti milioni za liseli mwa nako yelikona ku miisa kwa mafasi a libunda la

linaeli zani. Mi kutuha fo ni handeleti ni twenti, kamba lilimo ze kuma fa handeleti ni mashumi aketalizoho; ni ma milioni aeza handeleti ni mashumi aketalizoho fahalimu, ni ma milioni aeza handeleti ni mashumi aketalizoho mwa mulaho.

⁶⁹ Mi kipeto ba yo nata sika sene si ka ba tibela. Mi bona, kasamulaho wa kuya kwan ni kukuta, mina ne mu ka feza lilimo ze likana sili milioni za musipili woo, sili handeleti milioni lilimo. Sili handeleti milioni lilimo kuli muye musipili wateni, mi, hamu yo kuta fa lifasi, mu to fumana kuli meuile fela lilimo ze mashumi aketalizoho. Mu kena mwa Kuyakuile. Hakuna mafelelezo Mwani.

⁷⁰ Ni kunahana, kuli, yena Mulimu yana ezize zani kaufela ni ku libeya mwa sikuka, ni kubulela ka zona, natile fafasi mi a ezwa nama mwahala luna, ku to lu liulula. Mi ki ya ka lu kuteka hahulu ka Kubateni kwa pata ya Hae yende, kuli A—A to yema fa lifasi la sibi le mwa mazazi a maungulo, ni kupaka Linzwi la Hae kuba cwalo, kakuli U tamehile kwa Linzwi lani. Amen. Buicemeli ni kuluka kwa yomutuna Yani Yena ya sweli lika zani mwa lizoho la Hae!

⁷¹ Mulemuhe, linaha. Ba—ba keleke ba bana ni kuhana Linzwi la Hae, pili. Kasamulaho, kasamulaho keleke imano Li hana, mi ba Mu biza “kuli Baalezebubi, kamba moya o maswe,” mi Ne li tisizwe fapila muuso, ili kuli lusika kaufela ne lu nyazizwe. Cwale lufumana Jesu, kakusasana cwana, fapila a—a lubusisi, Pilato, wa Muroma, kuli a likiwe. Mi lu fumana kuli keleke ne i Muhanile, pili, bakeñisa kuli neba si ka lumela Liñusa la Hae, kakuli neba sa zibi Linzwi.

⁷² Jesu aba bulelela kuli, “Kambe mu—mu utwile Mushe, ne muka lumela Linzwi la Ka, kakuli ki yena yana bulezi ka za Ka.” Mwabona? Ki lani Linzwi la mupolofita. . . Ili, leo—leo mane Mulena utahanga ku mupolofita, mi mupolofita na bulezi Linzwi la hola yene lukela kutaha. Mi fa ne Li iponahalize, ni kubulla kuli, “Mu bulela kuli mwa mu ziba Mushe mi ki yena muzamaisi wa mina. Hamu mu zibi Mushe, kamba nihaiba kuziba Linzwi la hae.” Ka manzwi amañwi, Na ize, “Kina Linzwi. Kina Linzwi leli zibahalizwe leo Mushe na bulezi kuli lika taha, kono mwa Ni nyaza.” Mwabona? Ka lizo za bona, mwabona, keleke ne i Mu hanile.

⁷³ Cwale, lu Mu fumana cwale fapila Pilato, ni ku pakiwa ka swanelo, hape, ku zibahazwa ka nako, kamba keleke, ka mulumiwa wa nako yateni. Neba filwe kolo ya kubona ni kulumela, kono ba Li hana. Kiñi hane ba Li hanile? Buñata bwa bona ne ba bata kulumela Cwalo; kono lizo za bona, isiñi sicaba, kono lizo za bona!

⁷⁴ Cwale, mwa bona, sina Nekudema mwa na tezi busihu, mi ki hali, “Muluti, lu ziba kuli Wena u Muluti ya zwa ku Mulimu. Lu ziba kuli Wena u zwa ku Mulimu. Hakuna mutu yakona kueza

lika Zo eza konji haiba Mulimu aba ni Yena. Lu. . .” Ki bafi bo “luna” ba sweli kubulela? Ki keleke, bona Bafarisi, baeteleli ba lizazi lani. “Lwa ziba. Lwa ikolwisisa hande kuli Wena ki wena Mutu tenyene.” Kiñi he hane ba si ka eza seo? Bakeñisa, mulao wa bona. Ni bata ku nwelisa seo hahulu, kakuli fo kona fo Ni taha. Mwabona? Mulao one ba ikenyize kuona bona bañi, neli ona one ba palezwi kuzwa ku ona. Ni ha ne ba bona kuli Yani neli yena Mesia, kono mulao one bali ku ona ne u sa ba lumelezi ku Li amuhela.

Kana mwa—mwa utwisisa nji? [Kopano ili, “Amen.”—Mu.] Cwale Ni bata ku buza, kuzwa mwa sikwata se si bonahale se, ki babakai baba utwisisa se Ni bulela? Munanule mazoho a mina. Ku lukile.

⁷⁵ Cwale, mulao! Neba Li lumela, mi neba zibile kuli Nelili cwalo. Mo Ni batela kubulelela nto yeswana yeo ni kacenu! Lu bona se si lukela kuba fa kacenu, mi lwa Si bona, kono mulao mulao hauna ku ba tuhelela kuli ba Li amuhele. Ba tatelizwe hahulu mwa mihala ya mulao! Mwabona, ha ki mutu, ki mulao.

Sina fela mo Ni bulelezi ka za Mutompehi ya na kunupilwe. Ha ki mutu; kuya ka mo Ni zibela, ki mutu yomunde, hakuna bumaswe bwa na ezize kuya ka mo Ni zibela. Kono ki mulao. Ha ki sicaba; ki mulao.

⁷⁶ Ne si Majuda; neli mulao wa bona. Mulao wani ne u Mu nyazize, kakuli Ne u si ka lumelelana ni mulao wa bona. Kana mwa utwisisa? [Kopano ili, “Amen.”—Mu.] Cwale, lika zeswana zanga sibaka cwale. Mi neba ketile ona sila se si zibahala se, yena sisinyi.

Kono taba cwale ikenyize muuso mwateni. Kacwalo muuso una ni ku zibahaza katulo ye, kakuli, kubulaya mutu, kuna ni kutaha fapila muuso. Neba si ka lumelezwa kuezwa cwalo, kakuli nebali mwatasi a—a puso ya Rome, mi ne ba sa bulai mutu hakuna taba kamba keleke ya habo ne ibulela cwani, “Luna ni kukeza cwalo.” Kiñi, neba—neba sa li ezi, pili, Rome ne ibafa tukuluho ku yona. Kacwalo, ina ni kutiswa fapila muuso. Cwale muuso ukenyizwe mwa taba yee.

Cwale, haiba nji sani ha ki siswaniso sa kacenu, Ha ni boni sesiñwi. Mwabona, ona cwalo fela!

⁷⁷ Keleke ya Li hana, cwale ki muuso okela kukena mwateni. Nako neitile fakuli naha, mwahala lika kaufela, kamukana, neina ni kukena mwateni. Taba ne i ezizwe. Kuswaba ne kuli fakaufi. Naha kaufela ne i Mu hanile, ni kutisa buhali bwa Mulimu ne bu suluhezi fahalimwa bona. Mane ni fapila. . . Mane ni yona keleke ne i Mu hanile, sani ne si ka tisa buhali fa keleke. Kono cwale naha i Mu hanile, kutisa buhali fahalimwa bona kaufela.

Mi, kacenu, lifasi li Mu hanile, kutisa katulo kwa lifasi kaufela. Linaha kaufela li lukela ku atulwa.

⁷⁸ Mi lu ziba kuli sani ne si ezahalile ka nako ya muika yomutuna wa Siroma, Titus. Na hatelezi Jerusalema, mi cwale kwa mafelelezo fela. . . Ne ba cile bana ba bona; kuca makwati a likota, ni bucwani bwa mwa naheñi. Mi—mi cwale Titus akena mwateni ni ku pazaula mamota ni kucisa muleneñi, mi mali a buba fafasi—fafasi mwa mikwakwa cwalo, kwa na ba bulaezi kwani.

Mi neina ni kuba cwalo. Mulimu a si ka tuhelela kale sicaba, sa Na ketile, kutaha mwatasa lika ze cwalo, ku—ku kulukela kuba libaka. Yena u lukile. Milao ya Hae—Hae itokwa kuluka kwa Hae. Mi mulao osina koto ha ki mulao.

⁷⁹ Haiba Ne ni ka bulela, ne ku tomilwe mulao mwa muleneñi mo, “Ki mu—mu—mu mulatu kufitelela liseli le li fubelu,” mi cwale haiba hakuna koto ku ona, mu zwezi pili fela kumata kufitelela liseli le li fubelu. Kono ku lukela kuba koto.

Mi koto ya mulao wa Mulimu, kuhana tukiso ya Hae, ki lifu. Mi ne ku lukela kuba lifu, kacwalo una ni ku lifiwa.

⁸⁰ Lu yema mwa muzeko o swana kakusasana cwana, lifasi kaufela, kuna ni muzeko. Likopano kaufela li hanile Linzwi. Na ziba se si utwahala buhali. Mi Ni bata kuli bakutazi baba teezeza, mwahali mo ni kwa matepu ao, hape, kuli balike ku utwisisa se cwale, kuli Ni lika ku eza lika kuba patalaza luli. Kono Ni swala mayemo aka, kamba kutatulula taba yaka fa, ni kubulela kuli lu yemi, kacenu, mwa muyaho omuñwi wa katulo ku Pilato.

⁸¹ Mu li, “Kambe Ne ni ka yema fani, Ne ni ka bulela kuyemela Jesu Kreste.” Mi, kihande, ki sikamañi se mueza ka zona cwale? Yeo kona taba. Mwabona? “Hakuna taba kamba keleke ne i Mu hanile, Na ne ni ka yema kwa neku la Hae.” Muna ni kolo. Uhuh. Mwabona? Bona, ne ba Mu hanile.

⁸² Cwale u buzizwe, kacenu, kamba kona a sa zo buziwa, kamba, kuba fela mwa muzeko, kwa mulao wa lifasi, ku se si bizwa, kuli katengo ka likeleke, ku—ku—ku to bupa mwahala—mwahala Katengo ka likeleke za Lifasi. Cwale, mi ki sikamañi se ba ezize? Ba ikonkile kuli ba ka swalisana hamoho ni kuba ni katengo ka likeleke.

Mi mwa Katengo ka Likeleke ka, likeleke zani kaufela lina ni kuba siemba sa katengo ka, kamba, haiba halina kuba, hamuna kulumelezwa ni haiba kukutaza, mane ha mu lumelezwi nihaiba ku lapelela mukuli. Mi keleke ya mina ikona kuitusiswa kwa sika kaufela seba bata kuitusisa yona. Haiba babata kubulukela bipongisi mwateni, kamba litobolo, kamba kaufela se babata kueza, hamuna tamaiso ya zona nihanyinyani. Ki kuli mube wa siemba sa Katengo ka Likeleke kamba hakuna ko muwela nihanyinyani.

Mi wani kona mulao o tomilwe mo mwa United States, o taleleza Mañolo, kuya ka swanelo. Si taleleza sa na bulezi

Mulena kuna ka 1933, mwabona, mi luyemi ka nako yani kakusasana cwana.

Mi Jesu Kreste, yena Linzwi, u keni mwa muzeko, kacenu, sina mo ne kuinezi ka za kutakiswa, mi cwale U mwa mazoho a luna. U mwa mazoho a lifasi. Linzwi li bonahalizwe handende, mwahala lifasi, mwabona, mi Uyemi cwale mwa muzeko. Likopano kaufela ne li Mu hanile. Mi cwale Wa buziwa lipuzo ka . . . kuba mwa Katengo ka Likeleke, mi ba Mu hana hape ni kuketa nitaluse sina mo ne ba ezelize ka nako yani.

⁸³ Mwa bona, buino bwa kale bwa kutelanga fateni, kakuli ze bupilwe li zwelapili ona cwalo ka kuswana. Likota li sa zwelapili kumela, ni miloho ya taha, ni mapalisa, mi lifasi lifetuha fela sina mo libile lifetuhela kamita. Ki zebupilwe. Mi ni buino bwa lusika lufi ni lufi kaufela butisa, hape, ni kukutisa sinca—sinca ponahazo ya—ya—ya ze bupilwe neili fapila bona. Mi, kacenu, lu ipumana ili luna hape luyemi fa sibaka se siswana sani.

Cwale, Jesu nali “yena Linzwi,” Muhalalehi Joani, kauhanyo ya 1. Kaufela luna lwa lumela Cwalo. Nali yena Linzwi. Mi kakuli Nali yena Linzwi. . . Shangwe muutwisise. Nali yena Linzwi, mi Nana ni ku lwanisa mulao wani.

Mi ne ba si ka—ne ba si ka Mu hana bakeñisa limakazo za Hae. Ne ba si kaba cwalo. Neba ize. . . Na bulezi kuli, “Ki mañi yakona ku Ni nyaza?”

“Mi ki bumaswe mañi bo A ezize?” neli musizana yana bulela yoo. “Ki bumaswe mañi bo A ezize kwanda kufolisa bakuli?”

⁸⁴ Ali, “Ha lu Mu nyazi ka lika ze.” Mwabona? “Lu Mu nyaza bakeñisa kuli Yena, kakuba mutu, uikeza Iliyena kuba Mulimu.” Ni Mañolo a bona bañi na bulela kuli Na kaba Mulimu.

Mwa Isaya, mupolofita yomutuna yana ñozi Libuka ze mashumi asilezi ni ze silezi fahalimu za Isaya, ni ku kalela ka . . . Kwa makalelo, sina makalelo; mi mwahala Buka kwataha Joani Mukolobezi; ni kufelega mwa puso ya Mileniamu. Ni Libuka ze mashumi a silezi ni ze silezi fahalimu mwa Bibelega, sina mo kubezi likauhanyo ze mashumi a silezi ni ze silezi fahalimu mwa Isaya. Ki kwa butokwa kuli liba cwalo. Yo Isaya 9:6, na bulezi kuli, “Ku luna Mwana upepilwe, ku luna Mwana wa mushimani u filwe; mi Libizo la Hae uka ba, ‘Muelezi, Mulena wa Kozo, Mulimu ya Mata, Ndate wa Kamita, Yomunde.’”

⁸⁵ Mi lizo ze sa boni, kamba milao, ne li sa boni kuli Yani neli yena Mulimu; ka mupolofita wa bona, ili yoo Linzwi ne li tile ku yena, yana bulezi kuli Na kaba yena Mulimu. Milao ye sa boni! Kacwalo ne ba hanile Linzwi, ni kuiketela sibulai, Barabasi.

⁸⁶ Mi, kacenu, Linzwi, kakuba le li bonahalile hande mwa lizazi le, li pakilwe. Li bonahalizwe patalaza. Li bonisizwe kuba Niti. “Mi kwa mazazi a maungulo,” sina Jesu mwa na bulelezi kuli, “ona mo ne kuinezi mwa mazazi a Sodoma,” ni zeñwi cwalo,

“kona mo ku kabela ni kwa kutaha kwa Mwana mutu.” Yena Mulimu yaswana, Kasibili, Yanali yena Linzwi, na bulezi za kwa mafefezezo ni ze ne ka ezahala; mi Liseli ne li ka bonahalela kwa nako ya manzibwana; mi mane kuli, Malaki 4, Na ka luma lika ze ni ku li paka.

⁸⁷ Mi li tisizwe mwa sibaka sa kuketa, mi likeleke li Li hanile. Mi ki sikamañi se li iketezi likeleke? Ki sibulai sa Linzwi, mutu ya nani mulao. Haiba mulao wa shutana ni Linzwi, konakuli ki sibulai sa Linzwi. Mi ba iketezi sizo sa kopano, mwa sibaka sa Linzwi la niti le li bonahalile ni kupakiwa kuli Ki Mulimu mwahala sicaba; ka sayansi, kuya ka maswaniso, ki Liseli, lona Lingeloi leliswana la Mulena, kona Siita sa Mulilo.

Yena Yaswana ya na pilile mwa lifasi mwa—mwa mubili wa Jesu Kreste, utile fahalimwa sicaba sa Hae mwa mazazi a maungulo, koo sayansi ikopile siswaniso sa Lona. Keleke i Li boni ha libeleka. Li bonahalile hande patalaza, ka matepu ni lika kaufela mwahala lifasi, ni ku kutazwa ka butu.

Mi niteni, mwahala zani kaufela, milao ya bona itakaleza Katengo ka Likeleke kuli ka nyaze Niti. Ku itakaleza sibulai se sikona ku kuzisa, ku tuhelisa, kamba ku kwala. Mi, si ka eza ona cwalo, baka tuhela Nto ye cwalo. Mi Katengo ka Likeleke kakaba ni kueza cwalo. Yani kona nombolo ya sibatana; antikreste, kulwanisa Linzwi, ili yena Kreste. Kono isiñi za bona za mapampil- . . .

⁸⁸ Ba nahana kuli ki sizo. Ba nahana kuli lizo za bona ki za Mulimu. Mwabona? Kono halina kuyema hamoho ni Linzwi, mi mane niaiba Mulimu ha li yemeli kuba ze lukile. Jesu na yemi ni Linzwi, kono isiñi ni katengo ka bona; kono ni Linzwi. Mi Linwi la paka kuli Nali yena Mulimu.

Mi La paka cwalo ni kacenu kuli Ki Mulimu, kakuli lipila ka Bupilo bo buswana, Li eza nto yeswana mwahala luna inge mo ne Li ezeza kwa mulaho kwani, ni ku bulelela cimo za kwapili.

⁸⁹ Konakuli ba eza sikamañi? Ba amuhela nto yeñwi yakuli. . . Ba amuhezi, kale, ona mulao o swana oka kokotela Sani. Mi ku kokotelwa kwa liputeho za likopano ku sutelezi. Yeo ki niti.

⁹⁰ Cwale, sani ha si lwanisa Mañolo. Ki ona Mañolo. “Mi ba ezeza sibatana siswaniso.” Ku kopanya lifasi mwa kopano ya Baipanguli iliñwi, kueza nombolo ya sibatana, siswaniso sa sibatana, kuya ka Sinulo 13:8. “Mi baezeza sibatana siswaniso.”

Sibatana ki “Rome.” Kaufela luna lwa ziba cwalo. Kono kamita ki Rome, kaufela. . . Kana kukonahala cwani—kana kukonahala cwani kuli ibe Russia, kanti Bibebe ibulezi kuli ki Rome? Mwabona, batu kona baba banga ni mubonelo o fosahalile. Mwabona? Ikona kuba cwani nto isili, kanti ku bulezwi kale kuli ilukela kuzwelela mwa Rome?

91 Amu kutele ku Daniele hape, sipi ni lizupa kwa mahutu; sipi ne i si ka tuhela, kuzwa mwa mañwele kushetumuka fafasi kwa mafelelezo. Mi mutu kaufela wa ziba kuli Russia mane ne i si ka zibahala ka nako yani. Neli Rome. Drakoni ye fubelu neli Rome. Kamita ki Rome. Mi sipi yani ne i si ka cinca kuba nto isili fela, kuzwa ku Rome kuba nto isili fela; ne isiyezi ona cwalo ili Rome. Mi sibatana ki Rome!

92 Mi Rome neina ni mulao wa bulapeli bwa toho yene bulailwe. . . kamba sitombo se situna ne si bulaile toho ya hae, kono na filwe mata hape, kuzwa ku Rome wa buhedeni kutaha ku Rome wa bupopu. Ni mo ba lukela kuezeza siswaniso ku sona, kuzwa kwa sibatana se si zwa mwa Sinulo 13.

Kana mukile mwa lemuha? Naha ye iinzi fa nombolo ya bu lishumi ni zetalu, mi ibonahala. . . Hani bulelangi taba ye. . . Ki—ki yenca, niteñi, kuli ne li ka ezahala ka lipalo, ma- . . . ki kuzamaelela fela ka Mañolo. I fumaneha mwa kauhanyo ya 13 ya Sinulo, ona naha ye.

93 Libatana zeñwi kaufela ne li zwelezi mwa mezi, ili buñata ni undi wa nyangela kaufela ki sicaba, Bibebe ibulezi; kono sibatana nyana se ne si pumbukile mwa mubu, kone Kusina batu. Ibo, neili ngunyana, tukuluho ya bulapeli; mi abulela sina drakoni, ni kuikopanya ka mata ni kueza kaufela ze ne iezize drakoni yeneli fapila yona. Kaswanelo. Kacwalo ki fo he cwale. Si—si lukela fela kuba ka nzila ona yeo. Hakuna mukwa wa ku li potoloha.

94 Mi ki lunaba fa, kacenu, lueza mulao. Ki mulao! Halukoni kulibeleda kufitela nto yeñwi. . . Lu likile kueza mutu kaufela kuli abe wa—wa Lutheran; mi lupalezwi ku kondisa cwalo. Kulika ku baeza kaufela bona kuba ba Baptist; lu palezwi kueza cwalo. Kaufela ba be ba Methodist, kamba kaufela babe ba Pentekota; ba palile kuba cwalo. Kacwalo, ku laela kuli kuezahale se, nako ki ye kuswani, ba pangile katengo, ki toho, ili siswaniso sa sibatana. Sani kona se ba eizize luli ona cwalo. Mi ki sikamañi sani? Ki kukokotelwa kwa Linzwi, hape, ku sutelezi. Li keni mwa muzeko mi li ka tiswa cwanoñu fa sibaka.

95 Mulemuhe, Linzwi le li bonahalile, kuzwa mwa kopano. La bonahalisa. Li—li Linzwi la shutana kwa kopano.

Ki sikamañi se, mulao o ki ufi? Ki lumonyi lwa kwa Rome. Kana Bibebe ibulezi kuli ne likaba cwalo? Eeni, sha! Sinulo 17, ne ba boni Rome ha i nanuha mwa mulaho wa za bulapeli, ka musali. Musali, keleke kamita i yemelwa ki musali.

Kakuli, Munyaliwa wa Krete ki musali. Eva ki yena yana wile; ki Yena ya lukela ku liululwa. Mi Keleke (ki sikamañi?) ki musali ya liuluzwi.

96 Mi musali you u inzi fa sibatana sa litohe ze supile. Mi lwa ziba ka za malundu a supile, ni zeñwi cwalo, sina Bibebe ha ibulezi kuli kona mo ku ka bela. Hakuna mafosisa fateni. Hakuna nahaiba kolo za mafosisa. Mwabona?

Mi mulemuhe cwale, lu fumana cwana, kuli nali yena “MAHE WA MAHULE.” Mwabona? Mi me ni mwana wa musizana ba swalana hamoho hape mwa bulikani. Koo, nako yeñwi, mwana hakile amata kusiya mahe, ka kulika kupila ya ikutekile, kakuli mahe nali ya sina buiswalo mane ya buhali konji musizana ha toba fa lapa. Uh-huh. Kono cwale, kakuli ukalile kuba ya hula nyana, musali, ni kueza lika zeñata hahulu, yena kasibili; u bona mahe, u nahana kuli mahe nali ya lukile, konakuli usweli kuipangela mulao wa hae. Mwabona? Kaswanelo.

⁹⁷ Kuswalisana likopano, Buipanguli, kutaleleza ona cwalo handende sa bulezi Mañolo ka Sinulo 17. “Kaufela, be mabizo a bona na si ka ñolwa mwa Buka ya Bupilo ya Ngunyana, neli ba hae.” Alimuñwi kamba yomuñwi, ikona kuba sibatana kamba siswaniso sa sibatana. Biblele ibulezi ona cwalo.

Mi Jesu na bulezi ka nto yee, isiñi ka kuba swalisano. Kono mwa Mateu hauhanyo ya 24, kukalela fa timana ya 21 kuisa ku ya 26, Na bulezi kale kuli moya mwa mulao wo ukaba hahulu ka kuswana mane inge sika sa niti kufitela ha uka puma ni bona ba Baketilwe haiba ku konahala; ba Baketilwe, be mabizo a bona aňozwi mwa Buka ya Bupilo ya Ngunyana haisali lifasi litomwa. Mi, ka niti, u ba tamile, kufitela Ha bulela kuli kambe Na si ka pumela musebezi fahali, bakeñisa bona, nekusike kwaba nama ye ne ka piliswa mwa lifasi. Mi luna ni fela za . . .

⁹⁸ Ye ki—ye ki '64, nji cwani? Mi Ni sepa ba bulela kuli ki myaha ye lishumi ni ye supile ye kauhani kuzwa fani, kacwalo, kuya ka kalenda. Mi luna ni '64, 1964, haiba luka eza (ki sikamañi sani?) myaha ye mashumi amalalu ni ye silezi kona ye siyezi, kuli lufite mwa lilimo za sencari ya bu twenti wani.

Mi mwa myaha ye likiti zepeli kaufela, lifasi li tahanga kwa mafelelezo a mulao wa lifasi, mulao wa bulapeli, kwa mafelelezo a milao kaufela, mi Mulimu una ni kukena mwateni. Na ezize mwa mazazi a Nuwe; myaha ye likiti zepeli. Myaha ye likiti zepeli ya bubeli; mulao u kutezi ku seo palo yaluna i biza, kakusasana cwana, mi U lumile hape Linzwi la Hae. Na lumile Linzwi la Hae ka mupolofita, nako ya Nuwe, Nuwe mupolofita; mi sicaba sa Li hana, bakeñisa mulao wa bona. Na lumile Linwi la Hae hape mwa nako ya Jesu, Linzwi le li bonahalile mwa mutalelela; batu ne ba Li hanile. Mi cwale ki 1964, kusiya myaha ye mashumi amalalu ni ye silezi kuli lufite hape fa lilimo ze likiti zepeli hape; mi Linzwi li tisizwe patalaza, mi mulao u Li hanile.

⁹⁹ Lu fakaufi cwani? Ikona kuba busihu kufita mo lu nahanela, mwabona, kuli nako kaufela sa kona kuezahala. Hakulata si ezahalile kale, ka mo lu zibela, sina mo ne Ni bulelezi Sunda yefelile hane nili kwanu. Libizo la mafelelezo hakulata liteni kale mwa Buka yani; ha likaba teni, hakusana kuba ni kukena mwateni. Lifasi li ka zwelapili ona cwalo fela sina mo ne

libelanga, kono Keleke i swailwe. Mulemuhe cwale halunze luya kwapili. Mabizo a bona, cwale, hana kupuma bani be mabizo a bona a ñozwi kale.

¹⁰⁰ Ki sikamañi? U lukela kuba mulao. Mwabona? Mi munahane fela, kuba wa siemba sa kopano yani kona mulao tenyene, ki sikamañi se muka eza he? Ki kai ko mu ezelize? Mu swailwe, mwabona, kuzwa kwa Linzwi, kuya mwa mulao wa bubulai o sinyezeza, “Wa kuba ni mubonahalelo wa bumulimu, kono ni kulatula Mata atefi.” Kona nombolo ya sibatana. Kaswanelo. Mwabona?

¹⁰¹ Ki sibatana sesili kwani, sa na ezize; mi ki se fa sisaniso, ki nto yeswana. Mi sibatana neli sesituna hahulu, sene si ezize keleke yetuna yani kwa Nicaea, mwabona, kuli neba ezize kaufela ba—kaufela ba lifasi kutaha ku sani, ona kwa mulao ulimuñwi wani. Mi ba hupula kuli neli o mutuna hahulu, “Hakuna yana kona ku lwana ni bona,” ki mo ibulelezi Bibebe, kufitela ba ezeza sibatana siswaniso, ni kukenya Baipanguli kaufela mwa Katengo ka Likeleke; kene ka eizize mulao, kuli mane ne mu sa hupulelwi kuba Mukreste kamba sika kaufela kwanda kuli mube wa siemba sa mulao wani.

¹⁰² Yani kona shutano mwahala nombolo ya sibatana ni Swayo ya Mulimu. Mulimu uswaya ka Linzwi la Hae. Mwa lumela kuli Linzwi li cwalo? [Kopano ili, “Amen.”—Mu.]

Cwale muli, “Kana ki niti yeo, Muzwale Branham?” Eeni, sha.

¹⁰³ Cwale, Na ziba mina ma Sabata, kamba ba Tumelo ya lizazi la Busebene, bali, “Ki kubuluka lizazi la Sabata.” Kono zeo ha ki zona. Ha ki kuba ya mi nyaza, kono zeo kwateni ha ki za mañolo kutokwa.

Maefese 4:30, ili, “Musike mwa halifisa Moya o Kenile wa Mulimu, ili ka ona mu swailwe ku yo fita ka lizazi la kuliululwa kwa mina.” Mwabona?

¹⁰⁴ Cwale, Moya o Kenile ki Linzwi. Mulimu ha ki lika zetalu. Yena ki Mulimu ya swana mwa likalulo zetalu, liofisi zetalu. Mulimu, ki Ndate, fahalimwa mulao; Mulimu, ki Mwana, mwa muhau; mi Mulimu, Moya o Kenile, ka mo mu U bizeza, yena Mulimu yaswana mwa kalulo ya Moya o Kenile. Mulimu, Ndate, nali yena Linzwi; Mulimu, Mwana, nali yena Linzwi; mi Mulimu, mi Moya o Kenile, ki yena Linzwi. Mwabona, ki liofisi zetalu fela. Mi ku- . . . Mi Moya o Kenile ha u mi swaya, konakuli mu swaile ka Linzwi.

Cwale mu li, “Kihande, Ni swaile ka . . .”

¹⁰⁵ Kihande, kasamulaho, la italusa ili lona. Mwabona? La paka. Hamukoni kuba wa siemba sa mulao, mi mu swaiwe mwa mulao ni mwa Linzwi, mwabona, kakuli za shutana, ye ku yeñwi. Hamukoni kuezwa cwalo. Ku lukile.

Cwale lufumana cwana, kuli, lisipi zetuna za mushini, lisipi za mushini omutuna, sani ki ku. . .

Mushini, una ni ku. . . wa mota, ina ni zebizwa ma pisitoni, ma valuvu, ni kabyureta, ni zeñwi cwalo. Zani ki—zani kona lisipi.

¹⁰⁶ Ni tabela kubulela nto yeñwi kwa Keleke ona fa, yetile mwa munahano waka. Mwabona, sani ki sona. . . Ni lumela kuli lu fakaufi ni maungulo, Ni—Ni ka bulela nto yeñwi cwale. Mwabona? Mwabona? Li—li lisipi, kuna ni batu babañata hahulu baba lika kutatulula lisipi zateni ha mu sa li zibi. Mwabona? Taba fela mina. . . Mi, mwa ziba, mu lukela ku li ziba. Lisipi li zibahalile. Cwale kucwani haiba Mushe. . .

Kucwani haiba mutu na ka bulela kuli, “Nuwe, Ni bata kuli mutatulule li—li lisipi ka mo ne imbaukela areka. Sicwani sani?” Na si ka eza cwalo.

Hamu lukeli kuziba lisipi; kono ki Mata a Zona. Mwabona, Mata kona o mu lukela kuziba.

“Cwani?” Kihande, haiba mutu na ka taha kwa Isilaele, ni kubulela, “Kuli, Mushe, Ni bata ku utwisisa. Ukona cwani kubupa lifolofolo ka linzwi la hao?”

¹⁰⁷ Naize kuli, naize, “Ha ki linzwi laka. Ki Linzwi la Mulimu. Na ni bulelezi kueza cwalo.” Mwabona?

¹⁰⁸ “Na—Na—Na. . . Bulela, ni tatulelele mo no ezelize kuli linzinzi litahe fa lifasi, kanti mane nekusina ni zekana, ona linzinzi zeñata zani mwa lifasi.” Mwabona? Mushe na si ka li tatulula, yena kasibili. Ha mu lukeli kueza cwalo. “Ukona cwani kubiza moya wa kwa upa kuli uto eza lisuba mwa Liwate Lelifubelu, mi kaufela luna lwa ku latelela fa mubu o omile. Ku tatulula lisipi za mubelekelo wani. Neli—neli—neli sikamañi sa—sa—sa mwa mulao o bulezi, Mushe? Sikamañi? Mu ni bulelele lipatisiso za sayansi kuli neli katowati mañi ko no itutisize.” Mwabona? Mwabona?

¹⁰⁹ Na sa li zibi. Yena, kihande, na sa zibi mubelekelo wa lisipi; na zibile fela mata a lisipi. Mi—mi yani kona nzila yateni.

Hani koni ku mi bulelela mo Ni pilela. Hani koni ku mi bulelela mo mu lukela kupilela, kono mwa pila. Hani koni kubulela mo pilu ya mina, ni lico za mina mo li kenelanga ni kupanga mali. Ni kunga ma—ma mata a lico zani, ni—ni kukena mwa kalulo ya bulalu yani ya mwa mupila wa mala ni ku li fetulela mwa Bupilo bwa mali, ni ku li lumela hape ku mina. Ha—Ha hani koni kutatulula sani, kono sibanga ona cwalo. Mwabona, sa eza cwalo. Ha—Ha hani koi ku si tatulula. Hani zibi lisipi ni mubelekelo wa zona. Kono ki mata a zona.

¹¹⁰ Cwale, Mushe na ka ziba lisipi, kono ne si sibaka sa mutu usili kuli autwisise sani kono neli Mushe kipeto. Ne ba zibile kuli neli belekile, mi sani sa kolwisa. Kiñi sicaba ha ba sa ikolwisisi

ka nzila yani kacenu? Mwabona? Mutu kaufela hakoni kuba Mushe. Nekuna ni fela Mushe alimuñwi. Ne ba ziba fela kuli neli za Mulimu. Ne ba nona kuli neli sa Mulimu.

Mi ba latelela ona cwalo ni kueza fela hande kufitela ba kalisa ku buza ka zona, ba bata kutisa yomuñwi kuli aeze nto yeswana, Kora, Datani. Mi hane ba fumani mutu yana tisa malikanyiso a butu ku zona, mafelelezo Mulimu ali, “Ikauhanye kwateni. Usike wakena mwa mulao wa kopano wani. Mwabona, zwa mwateni! Ni ka u miza.” Mi A kwalula lifasi mane la u miza. Mwabona?

¹¹¹ Ha mu zibi, ha mulukeli kuziba lisipi. Mu zibe fela mata a mubelekelo wa zona, ona sika se si li zamaisa, se si li panga kuba za niti, mi mubone haiba li ka nata fo kulukela fo Bibe ne isepiswe ku nata mwa lizazi le. Mwabona, kona Linzwi hape, kukutela kwa Linzwi.

¹¹² Cwale, mushini omutuna u beilwe cwale, mi ulibezezi ku zamaya. Lisipi zona liteni kale. Bana ni mulao obeleka ka lisipi zateni ze ka tisa zeo, fa lifasi, “koko,” mo ba bulelela. Bana ni . . . inge U.N.

Linaha li kopani hamoho. Ki nako ya kukopana. Kona ni sa zo kutaza ka yona, kwa mulaho nyana. Ba . . . Ba sweli ba kopana hamoho, kutisa sikamañi? Koko ya lifasi. Neba ezize sani mwa Tamahano ya Linaha. Ba ezize cwalo kamita, mi ha li belekangi. Halikoni ku beleka. Ba U.N. ha ki sesiñwi kono ki baluni ya raba ye fufiswa ki moya ufi kaufela wa tuto ya naha ni naha. Ika panca ni ku iswi mwahalimu ka nako kaufela. Haikoni ku beleka.

Kamba nihaiba kona Katengo ka Likeleke kuli a beleke. Ki katengo ka mutu, ku shutana ni mulao . . . kamba ni mulao wabona kushutana ni Linzwi la Mulimu, mi ha likona kubeleka. “Bababeli bakona cwani ku zamaya hamoho kusina ku lumelelana?” Hamukoni kueza cwalo. Mi cwale kekeke ya Bakreste, ikaba cwani ni ku . . .

¹¹³ Ba—ba Pentekota, ba Assemblies of God, ni ba—ba likeleke zeñwi zetuna za—za mubuso wa Pentekota, ni sicaba sa ba Evangeli Yetezi, bakona cwani ku itoboha lituto za bona za evangeli, yona milao luli yene ba yemela? Ni ko ne ba hulezi, kuli ba zwe mwa likopano zani ni ku to li nyaza; mi bana ni ku itoboha tuto ya evangeli ya bona, kuli ba zamaye ni batu baba sa lumelelani fa milao ya Bibe, ni Foliso ya Bumulimu, ni Mata a Mulimu, ni Jesu Krete. “Bababeli bakona cwani kuzamaya hamoho haba sa lumelelani?”

¹¹⁴ Ki fo he cwale, yeo kona nako ye lu fitile ku yona, mi wani kona mushini o mutuna o tomilwe. Cwale bana ni lisipi. Nto fela ye ba lukela kuba ni yona ki Satani yali mwahali mwani, ni mata a lisipi, kuli ahapeleze kuswaiwa kwa nombolo ya sibatana. Ha sa hape hapelelizwe cwalo, kona kuli mata ateni aka beleka. Lisipi zona liteni. Se ba nani zona kale.

¹¹⁵ Mutuhele ni bulelele nto yeñwi, hape; ona nako ya kukopana ye, kubona likeleke ha li kopana, linaha za kopana. Ki nako ya Mulimu ya kukopana ni Munyaliwa wa Hae, cwalo. Ni bulelele cwalo ka tokomelo ni ka likuta. Ni lumela kuli Munyaliwa wa Kreste wa bizwa. Ni lumela U swailwe mwa Mubuso wa Mulimu. Ni lumela kuli lisipi liteni mwateni. Ba libelele Mata a zona aka Mu shimba ku munanula mwa lifasi, kukena mwa Kanya, mwa Kuungelwa. Na lumela ka pilu yaka kaufela. Eeni, sha. Halu zibi Mwa ka liezeza, kono Uka li eza.

Yena ki yena Mata. Luna luba fela lilama za mushini, za Mubili wa Hae, lu ikeza ili luna mwa siswaniso sa Hae, ni ku Mu bona Yena kasibili ha tamahana ni luna, mwa misebezi ya Hae, ni limpo za Hae za lilato, sina Ha nza lufa zona Mulalelo wa Linyalo usikaba teni kale. Mi lwa libelele, lu libelezi ona sani.

Keleke yabona yetuna ina ni kutamana kuswalisana.

¹¹⁶ Mata a Keleke ye ikaba kutazwa sinca kwa Moya o Kenile o lu belekile mwa kabelo yenyinyani fo Licwe la toho hanze litaha ka kushetumuka ku to swalana ni Mubili. Kono cwale Toho yani ha iswalana hamoho, mata atezi a Moya o Kenile a ka I zusa ona cwalo fela; mane nihaiba bafu, baba shwile ku Kreste, ka myaha ye eza mianda anda kafoo, ba ka zuha mwa bunde bwa kukena kwa Hae, ni ku fufa kuya mwa mbyumbyulu. Mata ki Moya o Kenile.

¹¹⁷ Mi cwale mata a muzamao tuna wo obana ni o yahilwe, ona mushini o mutuna o uka beleka zazi leliñwi mwa katengo kaka swalisani ka Katengo ka Likeleke za Lifasi, ili kaka ka eza lka ka kapelezo, hape. Muhup- . . . kono muhupule . . .

Mu li, “Zeo ha li ka ezahala . . .” Kuka be ku liyehile hahulu ku mina. Mu se mukeni kale ku zona. Kamba mubata kuba, kamba nee, mukeni kale mwateni. Mwabona? Mulemuhe, muna ni kale moya wani ku mina.

¹¹⁸ Mwa lizazi ha—ha mu—ha mu kaba ni Moya ofuka kuzwa kwa upa, mutulo, wiko, ni mboela, ku hapeleza sicaba kuzwa mwateni, ni kubonisa sicaba!

Leo kona libaka Hani bile ni lwanisanga mulao wani hahulu. Ne ni boni kuli nekuna ni sika mwateni, neli lififi. Sina hane Ni bona basali bani mo ne ba tinela ni kupeya lika kwa lipata za bona, Ne ni mi bulelezi Sunda yefelile, Ne ni zibile kuli nekuna ni nto yeñwi yene taha.

¹¹⁹ Ki kabakalañi hane Ni tundamena kulwanisa lika zani kamita? Ne ni sa li zibi; Na ziba cwale. Ki kabakalañi hane Ni lwanisa bulapeli bo bu ongaongilwe kamita? Ki bakeñisa kuli (Na si bona cwale) ki nombolo ya sibatana. Mwabona? Ne ni si ka bulelele cwalo konji mwa lisunda nyana zepeli kwa mulaho. Mwabona?

Cwale, kasamulaho wa litaba za likañi za keleke, kipeto ku ezahala sikamañi? Kasamulaho Linzwi limano patalazwa handendende ka niti? Cwale, amutalime, mafelelezo si taha fa sibaka fo ku lukela kuba ni kuiketa. Muzamao wa bona otatama cwale neli . . .

¹²⁰ Muzamao o tatami wa Majuda neli ufi kasamulaho keleke imano Li hana? Keleke neihanile Linzwi. Ne Kusina sene ba tabela kueza ka Lona. “Neli moya o maswe.” Ne li ziba mihupulo yeneli mwa lipilu za bona. “Neli ye maswe.” Ibo, Neli lona Linzwi. Misebezi ya Na ezize, ne i Mu paka, ne ipaka Yo nali Yena. Nekusina sene ba tabela kueza ka Lona.

Mi, nto yetatama, itaha kwa muuso. Mi ye ki keleke ya muuso, kakuli linaha kaufela li mwateni. Nekuna ni naha ya buhedeni yene zamaisa naha ya bulapeli. Cwale, ki, lika kaufela ki bulapeli, konakuli si na ni kutaha mwa bulapeli bwa lifasi loote.

Oh, mawi, mutu wa sibofu na konile kubona sani! Mi ki sikamañi sa bulela mutu wa sibofu ha bona se? Ha si bona, uka zwa mwa bubofu bwa hae.

¹²¹ Mulemuhe fani katengo ka lifasi ka haka taha hamoho, “Luka eza sikamañi ni Jesu yabizwa Kreste yoo?” Kaniti hakuna se ba bata kueza ka Sona. Kacwalo kuna ni fela nto iliñwi ya kueza, cwale, ona cwalo sene ba ezize ka nako yani, ba ka Li kokotela, kaniti, ku Li kuzisa. “Haikoni kuba ni hanyinyani. Halina ku ilumeleza kueza cwalo.” Kapelezo ya bulapeli bwa linaha haina kuba lumeleza kueza sani ni hanyinyani. Sebelezo ye ezahala kwanu, ni lika ze cwalo, i ka kwaliwa kapili. Hamukoni kueza sika kusina tumelelo yezwelela kwa nkambe yetuna, toho ya keleke, mwabona, ki siswaniso sa sibatana. Oh! Luteni fa, ku felile. Lu—lu—lu lufitile.

Mi kupakiwa kaniti; muzamao otatama ki ku Mu kokotelwa.

¹²² Kinto yeswana ni kacenu, kueza kuli kaufela baba sike ba ikopanya ku bona, baka kwalelwa kwanda ni kuhaniswa ku kutaza, mwa bona. Sani sa kokotela, sinca, Linzwi leli pakilwe la sepiso. Ku li tuhelisa, “Ha mu si ka lumelezwi kuba ni zona nihanyinyani. Hakusana lisebelezo za foliso. Hakusana kulapelela bakuli ni hanyinyani. Batili, sha! Hamukoni kueza cwalo. Batili, hakusana sika sa lika zeo ni hanyinyani. Batili, sha! Mukaba ni kutaha ka kukena Katengo ka Likeleke kamba kusi cwalo hamuna kuba ni zona ni kamuta.”

¹²³ Cwale mwakona kubona libaka le Ni lwaniseza bulapeli bo bu ongaongilwe, kakuli ki nombolo ya sibatana. Rome ki yona toho ya yona, ya pili. Yeo kona niti yetezi. Mi si lwala lika kaufela fa kukenya mwateni bana ba basizana, sani kona siswaniso. Me wa zona na ezize lika zeswana. Kana Rome ne i ongaongezwi kai pili? Bulapeli bwapili bone bu ongaongilwe neli bufi mwa lifasi? Neli Katolika ya Roma. Mutu kaufela yana ni linzwi le li

bulela kuli ha ku cwalo, nibata ku ku utwa. Ha yo mo. Kopano ya makalelo, keleke yapili ne i ongaongezwi, kwani kwa Nicaea, Rome. Eeni, sha. Mi ona seo kona sene ba ezize luli.

¹²⁴ Mi ki sikamañi sa na ezize Luther kasamulaho wa lifu la hae? Neba ezize taba yeswana ni mone ba ezelize kwa Nicaea, Rome. Ki sikamañi sene ba ezize kasamulaho wa Wesley? Ki sikamañi sene ba ezize kasamulaho wa muzamao omutuna otile? Neba ezize taba yeswana, ba ikezeza bana ba basizana kwa lihule, ona cwalo fela ka swanelo. Inge, ka kuswana fela, lu fumana cwalo fa . . .

¹²⁵ Ne nina ni Liñolo nyana leli ñozwi fa. Mwendu Ni siye seo. Kono, mi mutalimele, neba nani . . .

Ku ongaonga kwa keleke kuna ni mulao o swana hamoho kacenu. Taba fela ye batokwa ki mata a zona, ki nto fela ya ku li beya mwa kapelezo. Mi se linaha kwa kangisano, kapili cwale.

¹²⁶ Keleke ya Katolika ni likeleke za Baipanguli likaba balikani. Ni mi bulelezi kuli kuzwa—kuzwa kafoo, ka myaha ye mashumi amalalu ni yeñwi fahalimu cwalo ye felile. Ba ka kopana hamoho. Mi mwa bona handende se ba sweli kueza ona fa. Ba—ba Baipanguli habana kuba Makatolika, kono ba ka ba mwa swalisano ya sizwale, ili nombolo ya sibatana, kuswanisiwa kwa sibatana.

¹²⁷ Sina ka mukwa o swana ni me, Eva, mwa na sinyelize lifasi kaufela ka lifu la nama. Yena me, Eva! Muteeleze. Me Eva na sinyize lusika lwa batu kaufela, ka lifu la nama, (cwani?) ka kuhana Linzwi ni kuamuhela nto yeñwi yeswana inge Yona. Na tisize lifu la nama kaufela kakuli na siile Linzwi la niti, ni kulumela Linzwi la niti kaufela kono kwanda katowati kakanyinani fela. Ku sa lumelelana kulikuñwi kwa Linzwi kaufela la Mulimu kwa tisa kukula pilu, lifu kaufela ni lika kaufela zekile zaba mwa lifasi. Eva ki yena yana li ezize, ki me wa lifu. Cwale mwa bona ko lu taha? Me wa lifu, mulemuhe, na si ka lumela Linzwi.

Na ize, “Mulimu na bulezi kuli . . .”

Satani ali, “Yeo ki niti.”

“Mulimu naize . . .”

“Yeo ki niti.”

“Mulimu naize . . .”

“Yeo ki niti.”

“Mulimu ubulezi kuli . . .”

¹²⁸ “Eeni, kuli, cwalo ki cona. Mwa—mwa mukwa omuñwi, yeo ki niti, kono, mwabona, sani—sani—sani ha ki Sona kaufela. Mwabona, muka—muka puha meeto amina, mukaba ni . . .”

Kono Mulimu u bulezi sani, mi sani ki sona, ki Linzwi! Mwabona, ne li kalile fela ka ku kopamisa nyana fela kwa Linzwi, mi, ki nto yeswana, ifela ka mukwa o swana.

¹²⁹ Mulemuhe, mwana wa musizana ki sibyana sa me ni ndate, ka kukopana. Cwale ki ye taba ye komokisa. Kono lifu, la nama, lifu la nama ki kukopana kwa me yena Eva ni Satani, hamoho, ka kusa lumela Linzwi la Mulimu. Neba kopani ni kutisa mwateni si—si sibyana sa lifu. Musali, yena . . . Lifu ki sibyana se sitahile ka kukopana kwa Satani ni Eva, lifu.

¹³⁰ Eva na nani ni Linzwi. Satani u lwanisa Linzwi. Mi, mutalime, bukaufi ni buñata mwa buñata bwa Lona, Satani na itumelezi kuli neli niti. “Ka kusutelela bukaufi,” Bibeles ibulezi kuli, “mwa mazazi a maungulo, lika puma ni bona ba Baketilwe haiba ku konahala.” Mwabona mo li sweli kutela, mo libezi cwalo kamita, li ka zamaya cwani? Ka nzila yeswana, ku kopana kwa ku sa lumela mwa Linzwi la Mulimu kaufela lelitezi. Mu utwile kana? Sani kona sene si tisize lifu, ki ku kopanela kwa ku sa lumelana ni Linzwi. Kusa lumela, ka bunyini fela, siemba nyana sa lona; hanyinyani, fela, ka bunyinyani fela, iliñwi fa likalulo ze mwahala siemba se si abilwe mwa mwanda ka kulikanelela. Kono Li lukela kuba pesenti kaufela ka kutala! Ku felile.

¹³¹ Mulemuhe, mwana wa musizana wa Mulimu, yona Keleke, ki yena Munyaliwa, mi ni yena ki sibyana, sa Mulimu ni Linzwi la Hae, kuswalisana. Moya o Kenile uswalisana mwa mubili wa nama, Ne utisize Mwana Mulimu, ki sibyana sa kuluka kwa Mulimu. Mi mwa lizazi la mafefeleso, sina ha lu bulelelwa, “sina mo ne kuinezi mwa mazazi a Sodoma,” Munyaliwa uka swalisana ka Linzwi la Mulimu abonahalele mwa nama, Moya o Kenile uba swaela ku Mulimu, ni kuswaya ku salumela kwande, kube kwande.

¹³² Sina ha Ni bulezi, haiba nji bupilo bwa Beethoven nebuli ku mina, nemuka pila inge Beethoven; haiba nji bupilo bwa Hitler nebuli ku mina, nemuka pila inge Hitler. Mi haiba nji Bupilo bwa Krete bu ku mina, muka pila singe Krete, ni misebezi ya Krete ne mu ka ieza. Mi sani si lukela kuba cwalo. Haiba Krete na pila kacenu, Na ka eza ona cwalo se li bulezi Linzwi kuli Na ka eza kacenu. Mi Linzwi li bulezi kuli, “Yena ki yaswana maabani, kacenu, ni kuyakuile.” Ki kabakalañi kanti lifasi la bulapeli le ha li sa boni nako ye ba pila ku yona? Mwabona?

¹³³ Eva an tisize lifu kaufela la nama, ka kulika kukenya mwateni tuto ye keluhile ya Satani mwa Linzwi. Mi yani kona nto yeswana yene ezahalile kwa keleke, kwa Nicaea, Rome, ka kunga lituto za litumelo mwa sibaka sa kunga Linzwi. Sani kona sika se siswana mwahala ba Methodist, Baptist, Presbyterian, sina Liseli ha linze litaha cwalo mwa lusika ni lusika mi ba Li hanile.

Kona libaka ba Lutheran hane bashwile ba Wesley ba zuha. Neli mwa lusika lusili. Linzwi ne li tile mwateni, mi neba na ni ku Li amuhela kamba kushwa. Kona libaka Mapentekota ha ba shwa cwale, kakuli lusika luteni fa. Linzwi li iponahalize, nako ya mbande, nako ya Linzwi kuli ikutele hape, “ku to kutiseza Tumelo kwa bashemi, ku kutela kwa bana hape.” Mi ba swalisani hahulu, ba Li hana, mi ha kuna sebali sona kwanda kuba lifu la moya. Sina kamita. . .

¹³⁴ Mubili wa Mulimu, uswalani sina Munyaliwa wa Hae, mo abezi Alimuñwi; Yena ni Kreste, hamoho, kona Moya obeleka mwa nama ya Keleke sina mo ne U belekela mwa nama ya Jesu Kreste, kakuli Ki silama sa Mubili wa Hae. Ha ki zepeli; kono ki Ulimuñwi! Ki Ulimuñwi. Muuna ni musala hae haisali bababeli, kono alimuñwi. Mi Kreste ni Mubili wa Hae ki Alimuñwi. Mi Moya o swana onoli ku Kreste u ku Munyaliwa wa Hae, mwa Mubili wa Hae, kona o Ba tamahanya hamoho ni Linzwi lani kaufela. Mi Mulimu wa pila mwateni, Yena kasibili, inza ubonahalisa.

¹³⁵ Mi ni antikreste, uka bulela kuli, “Oh, Na lumela ku Kreste, Na lumela mwa Evangeli, Na lumela mwa Lika ze, kono, mwa ziba. . .” Ki fo he cwale. “Kono, mwa ziba, mazazi a limakazo a felile. Hakuna taba ye cwalo, mwabona.” Ko fo he cwale. “Oh, Hani lumeli kuli muna ni ku kolobezwa ka Libizo la Jesu Kreste.”

¹³⁶ Kono Bibeles ibulezi kuli mwa lukela. Cwale Ni bata kuli nuituti wa za bulapeli yomuñwi akanane ni seo. Mwabona? Mwabona? Sina ni kuba cwalo. Mu li, “Kihande, kolobezo ha ipanga shutano ni yekana.” Kihande, kanti, ne i ñolezwi sikamañi? Ki kabakalañi hane ipangile shutano ku Paulusi? Ki kabakalañi hane i pangile shutano ku babañwi ba bona kaufela? Mukana mwa kolobezwa. . .

Bibeles iize, “Una ni libizo kuli wa pila, kanti u shwile,” kakuli hakuna libizo leliñwi mwatasa Lihalimu.

Ki kabakalañi ha mu kutaza ku Lona, kulapela ku Lona, lika zeñwi kaufela, kono, ha mu taha kwa lisa, mwa Li hana? Uh-huh. Mwabona?

Ne niize ku muuna zazi leliñwi, Se nili, “Kucwani haiba mutu. . .”

Ki hali, “Hakuna shutano ni yekana.”

¹³⁷ Se nili, “Haiba mutu na ka taha ku wena, mi abulele kuli na kolobelizwe ka libizo la ‘Palisa ya Sharoni, Mulilima wa mwa Mukulo, mi ni Naleli ya Kakusasana,’ kikuli no ka bulela kuli u kondisize?”

Ki hali, “Batili, sha.”

Se nili, “Kana ne u ka mu kolobezwa sinca?”

“Eeni.”

Se nili, “Ne u ka mu kolobeza cwani?”

Ali, “Ka libizo la ‘Ndate, Mwana, ni Moya o Kenile.’”

¹³⁸ Se nili, “Ku lukile, cwale u ezize hande, u beile. . . Haiba u biza zeo kuli ‘mabizo,’ u ezize nto yeswana ni ha na bulezi kuli, ‘Palisa ya Sharoni, Mulilima wa mwa Mukulo, ni Naleli ya Kakusasana,’ kakuli lani ki lilumbatina, mi ‘Ndate, Mwana, ni Moya o Kenile’ ki lilumbatina. Mwabona?”

Ki hali, “Kono Jesu na bulezi kuli mukolobeze, ‘ka Libizo.’”

¹³⁹ Se nili, “Ona seo kona sa Na talusa. Kono mwa sikamañi, isiñi—isiñi. . . Na si ka bulela kuli, ‘mubulele manzwi aa.’ ‘Mubakolobeze ka Libizo,’ Libizo! Oh, mawi!” Se nili, “‘Ndate, Mwana, ni Moya o Kenile’ ki malumbatina. ‘Libizo la Ndate, Mwana. . . Libizo la Ndate, Mwana, ni Moya o Kenile.’ Mwabona?” Se nili, “Pitrosi na bulezi kuli Nelili sikamañi? Ki sikamañi sene ba bulezi babañwi kaufela kuli Nelili sona? Mwabona? Ki Lifi kana? Uh-huh. Ki ‘Mulena Jesu Krete’ kona Libizo la ‘Ndate, Mwana, ni Moya o Kenile.’” Una ni sicaba sa batu ba naha ya habo ba ba kuma mwendi fa seti sauzande babata kukolobeza sinca hape cwale. Mwabona? Ku lukile. Kono yeo ki niti. Paulusi naize, “Haiba Lingeloi kuzwa kwa Lihalimu. . .”

¹⁴⁰ Paulusi nabulelezi batu bani bene ba si ka kolobezwa ka Libizo a Jesu Krete, Likezo 19:5, kuli, kuli ba amuhele Moya o Kenile, nebana ni kutaha. Ni ha ne ba huwa ni kulumba Mulimu, ni kueza lika zetuna, na bulezi kuli nebana ni kukuta ku to kolobezwa hape ku to kolobezwa sinca, hape, ka Libizo la Jesu Krete. Kasamulaho Joani Mukolobezi amano ba kolobeza, neba kutile ku to kolobezwa sinca.

Mi ki hali, mwa Magalata 1:8, “Haiba Lingeloi kuzwa kwa Lihalimu li luta nto isili kufita ye Ni mi lutile, libe le li kutilwe.” eeni, sha. Kacwalo lu lukela kuina hande ni Linzwi lani, Linzwi la Teni kaufela. Mwabona?

¹⁴¹ Mulemuhe. Oh, kusike kwaba mafosisa; lube ni niti hande. Haiba kuna ni sika kaufela sa kukakanya mwa minahano ya mina, kihande mu si beye hande ona fa cwale. Musike mwa libelela kuisa kafoo, nako ifelile. Musike mwa libelela kufitela mu amuhela nombolo ya sibatana ku tungile hahulu hamuna ku Li bona ni kamuta, mukaba libofu.

Na fougelize Isilaele, kuli A bonahalise Linzei la Hae. U sweli kueza nto yeswana ku Bamacaba, kakuli fa—fa ba sweli kukena mwahala zona ka kuswana fela sina nako yani.

¹⁴² Mulemuhe, Eva na hanile mi a itoboha liswanelo za hae. Kasamulaho amano bona Linzwi inge li pakilwe ki Mulimu, sa Na ezize, na Li hanile ni kuitoboha liswanelo za hae. Ki taba yeswana ni yene ba ezize kwa Nicaea, Rome. Mi ki taba yeswana yeba sweli kueza onafa cwale kwa Katengo ka Likeleke,

ona cwalo luli. Mizwale, kunani, kuzwa kwa Genese kuya kwa Sinulo, ki nti ye swana. Ki sona sa na ezize Isilaele. Ki sona sa na ezize Pilato. Ki sona se si ezahalile mwa taba ye kaufela, kamita, kuzwelela ku Eva kufita ni cwale, kinto yeswana. Ba hananga Linzwi le li pakilwe mi ba amuhela tuto ya tumelo, kanti. Zeo li tisa lifu, lifu la moya.

Bashwile! Linzwi li sa kutazwa kwa bafu. Kiniti! Habana kukena mwa Mileniamu, cwale, mwabona. Bona—bona, ba kutalizwe kale. Bakona ki Li utwa ona fa cwale. Mwabona?

¹⁴³ Bana babashimani ba Kaine, bene bali libyana za kusa lumela Linzwi la Mulimu, bana babashimani ba Kaine ne ba nyefuzi liñusa la mupolofita Nuwe. Mu lemuhile cwalo? Ka Linzwi la Mulimu na tizize ka—ka katulo ye bulezwi, mi nana ni lisupo za luli, lisupo ze pakilwe kuli nako neili kwa maungulo, mi bana babashimani ba Kaine ba Li nyefula.

Inge mo ba ezeza cwale. Kacwalo, sani, ki sene ba ezize mwa lizazi la Jesu. Ki mo ne ba ezeza mwahala masika amañwi kaufela. Kamita kubile ona cwalo. Ba nyefula ni ku Li sona. Na bulezi kuli, “Mwa mazazi a maungulo ku ka taha basomi, ba bakali, ‘Hakuna shutano mwa nako, kuzwelela bashemi ba luna fo ba lobalezi.’” Mwabona, mwabona?

¹⁴⁴ Ki mo ne ba ezelize ni bana ba diabulosi, mwa mulao wa za bulapeli, kwa Linzwi lene li bonahalile mwa nako ya Jesu Krete. Mutalimele, milao ya bulapeli ya sicaba sa Majuda, (Kezeli Rose), sicaba sa Majuda bene ba lukela kuziba hande, kono mulao wa bona u ba ezize kuli ba hane ni ku soma Linzwi la Mulimu (lona lene ba ipapata kulumela) lene li bonahalile, isiñi Linzwi lililiñwi kuzwa mwa nzila. Ne ba ezize nto yeswana.

¹⁴⁵ Kinto yeswana ni mo ba ezeza kacenu. Mulao wa bulapeli mwa mushini omutuna wo obanani o tomilwe cwale ukaba, kaniti, u hanile lisepero kwa nako ya maungulo; hamoho ni Liñusa la nako ya maungulo, ni sisupo sa nako ya maungulo, lika kaufela za nako ya maungulo ze lukela kuba teni, sina Mulimu mwa na bulelezi ka zona, Linzwi ka Linzwi.

Liteni fa tepu. Haiba—haiba ba ka ni kunupa, kamba kaufela se ba kona kueza, habana ku paleliswa Liñusa lani! Mwabona? Li ka zwelapili fela ona cwalo ka kuswana. Mwaboan? Li zwile kale. Li tepilwe. Li ile. Mwabona? Ne ba si ka kona. . . Ki—Ki Linzwi kwa mafelelezo, oan fa cwale. Kuya- . . . Ka kupakiwa hande ni ku boniswa, kukuta ni kukuta ni kukuta, ka lisupo, ze komokisa, ka lisipi, ka—ka—ka Mata a lisipi, ka—ka sayansi, ka keleke, ka Mulimu yena Kasbili, u pakile kuli seli hola; ka bubeli bwa Linzwi, ni ka lisupo ni ze komokisa.

¹⁴⁶ Liñusa le li pakilwe ki Mulimu mwahala mina, ka lisupo ni ze komokisa za hola yatani. Liñusa la Jesu Krete ha li si ka shwa, kono la pila sina fela mo Abezi cwalo kamita, ni li luma cwalo. Mi sa talelezwa hande mwa Malaki 4 ni Mañolo

amañwi ao Jesu na bulezi kuli akaba mwa mazazi a maungulo, ao atalellezwe hande, hamoho ka sayansi, ka lifasi. Mi ba mitende bana ni maswaniso a Liseli le li pikuluha, lene li bonahalizwe fa. Mangeloi a Mulimu, atile kushetumuka fafasi, zeo mane kusina ni ze ba ziba ka ona. Mi kai ni kai, kai ni kai, ku pakilwe, lifasi kaufela ko liya ko likuwa!

147 Se sitatama ki kutakiswa, mi lu li talimile. Sina Jesu hana bulezi nako yani kuli, “Ki sikamañi se Ni ka bulela, ‘Ni Pilise, Ndate, kuzwa ka hola ye?’ Kono, batili. Tato yahao iezahale, mwabona, fa lifasi, sina ha lili mwa Lihalimu.”

148 Ki sona se ibulela Keleke kacenu, kacenu, kuzwa mwa pilu yateni, “Na ni ikopanye ni sesiñwi. . . ? Batili, Mulena, batili. Tato ya hao iezahale, sina mo ku ezezwa mwa Lihalimu.”

149 Mulemuhe, kasumulaho wa Linzwi le li sepisizwe la lusika lene li pakilwe, ne ba Li hanile. Ba ezize lika kaufela kacenu. Mi cwale Ni taha ka kushetumuka kuli lu kwale cwale. Mi sina ha Na tile neli kuiponahaza yena Kasibili kuba Linzwi, mi litaha kwa ponahazo ko ba lukela kuketa Linzwi kamba kuketa mulao; si fitile fa nto yeswana kacenu, ba lukela kuketa Linzwi kamba kunga mulao. Kono bona ba amuhezi mulao. Cwale sani si eza sikamañi? Ka kukwala. U fa mazoho a lifasi. Kiniti.

150 Cwale, palo yaka. Ki nako yetelele fa kulifeza kaufela, kono cwale kona Ni sa kala fela, mwa bona. Musike mwa nyema, Ne ni sweli fela kuezwa lisheha. Mutalime, ki ye palo yaka. Lwa ziba cwalo. Sani ne li kutoma mayemo fa ku kaliseza. Luna ni lona mwa mundandwe fa cwale. Ha li beyeni hande mi lu bone mo li bonahalela, ku libeya mwatasa siiponi.

151 Jesu u fa mazoho a sicaba. Ki fa mazoho a keleke. Ki sikamañi se mu ka eza ni Jesu yo ya bizwa Linzwi le li tozizwe? *Kreste* italusa kuli “Linzwi le li tozizwe.” Mwabona?

“Ki sikamañi se mu ka eza ni Jesu yoo?” Pilato abulela. “Ki sikamañi se Ni ka eza ka Lona? Sikamañi, muzamao waka ki o cwani? Ki sikamañi se Ni ka eza ni Jesu yo ya bizwa Kreste?”

152 Kana lifasi ne li ipizelize sikamañi? Ki sikamañi sene li ipizelize lifasi? “Li kokotelwe! Ha Lituheleliswe! Ha lu Li lati ni hanyinyani.”

153 Ni ka mi buza nto yeñwi. Kana mwakona ku nahanisisa mulatu oli mwa mazoho a Oswald, kakusasana cwana, yena ya bulaile Mutompehi? Kikuli mwakona ku nahanisisa katulo ya hae mo ika bela haiba a fumanwa kuli ki yena yana ezize kezo yeo? Kana mwa—kana mwa kona ku nahanisisa kuli kuna ni sishemo se si ka fiwa ku yena? Mali a Mutompehi wa United States ainzi mwa mazoho a hae. Kana mu nahana kuli ba Kuta Yetuna. . . Hakuna taba kamba uka kupa hakai swalelo, “Ne ni sa bati kuezwa cwalo,” zeo halina ku mu fa swalelo ni yekana. Uka shwa. Kiñi? Una ni mali a Mutompehi mwa mazoho a hae.

Kana mwa utwisisa maikuto a hae? Kikuli mwakona kutabela zeo kuba mwa mazoho a mina? [Kopano ili, “Batili.”—Mu.]

¹⁵⁴ Kihande, kucwani he cwale ka Mali a Jesu Kreste? Kikuli mu nahana kuli uka swalelwa, kasamulaho Limano pakiwa hande? Mu ka Li banduka cwani? Mali a Hae a mwa mazoho a mina, mufosize! Muezalibi, ukaya kai kuzwa fa? Ki sikamañi so ka eza kasamulaho wa mukopano wo kakusasana cwana?

¹⁵⁵ Kana mwa nahana, mu bulela kuli, “Kihande, Ne ni hupuzi. . . Ne ni sa bati kuba ya holofaza.” Oswald ni yena wakona kubulela zeswana.

Haiba katulo ba Kuta yaluna Yetuna ika tokwa katulo ye lukile, ika li tokwa. Ki—ki za luna. . . Ki ona mafelelezo a naha. Naha kaufela itamehile kwa Kuta Yetuna yani, mi hakuna se sikona ku siyala. Yena un ni mulatu. Una ni kulifa. Hakuna taba kamba na sa lati kueza cwalo, milelo ya hae mo ne ibezi, kamba mane kutokwa nihaiba sika ka zona; u ka lifa ka zona, nihakuli cwalo.

Haiba Kuta yaluna Yetuna ni katulo ya yina itokwa kuli kube katulo yeswanela, kana mu ka ipumana cwani mina bañi fa Mayemo a Katulo ya Mulimu, hamu ka yo taha ni Mali a Jesu Kreste mwa mazoho a mina? “Ki sikamañi se Ni ka eza ni Jesu ya bizwa Linzwi le li tozizwe?” Mu Li utwile. Mwa ziba kuli Ki yona Niti. Li pakilwe hande luli.

¹⁵⁶ Sibulai? Kana mwakona kuiketela sibulai sa Linzwi se si zwa mwa kopano, kufita Kreste yasina mulatu? Kana ne mu ka kokotela? Kikuli ne—kikuli ne muka itolela kunga Barabasi? Kikuli ne mu ka biza Barabasi? Ki mañi yakona kuitolela kueza cwalo, kuli muipizeze Barabasi, yena sibulai sa Linzwi; kufita kunga Linzwi, Kasibili, le lili Bupilo. Mi Li inzi mwa mazoho a mina.

¹⁵⁷ Hane Ni utwile za pulao ya Mutompehi Kennedy, Liñusa le la ni taba kwa pilu. Na hupula kuli, ki sikamañi sa ka eza muuna yani? Mi hakuna mukwa wa kuzwa ku zona cwale. Wakona kuzuha cwale ka nako ye ni kulemuha se si yemi kwapata.

¹⁵⁸ Mi ni mina mu ka zuha nako yeñwi. Mo, kamba fa tepu, kaufela ko muinzi, u ka zuha nako yeñwi, muezalibi, ni kulemuha kuli kuna ni Mali mwa mazoho a hao, mi ki Mali a Mwana Mulimu, mi una ni mulatu wa ku Mu bulaya. Sibi sa hao kona se si Mu bulaile. Ku sa lumela kwa hao mwa Linzwi la Hae, bakeñisa kupalelwa kwa hao ka ku sa lemuha ponahazo ya Hae, ku filikanyizwe Moya o Kenile. Mi ki sikamañi so kona kueza kwanda kuyema fa Katulo ya Mulimu, ka kuziba se si ka ezahala ku wena! Eeni, mali a John Kennedy a mwa mazoho a Oswald ikaba nto yenyinyani, kufita Mali a Jesu Kreste ainzi mwa mazoho a hao ha u ka yo yema fapila Mulimu.

¹⁵⁹ “Ki sikamañi se Ni ka eza ni Jesu yo ya bizwa Kreste?” Pilato abulela. Na beilwe mwa mazoho a hae.

Mi Mali a Jesu Kreste abeilwe hape mwa mazoho a kopano ye. A beilwe mwa mazoho a naha ye, mi ni mwahala lifasi kaufela, ko kuna ni matepu aa, ni lika ze pakilwe ni ku bonahaliswa ki Mulimu.

Cwale ki sikamañi se lu ka eza ni Jesu yo ya bizwa kuli, “Ki ya swana, kacenu, ni kuyakuile”? Ki sikamañi se lu ka eza ni Jesu yoo? Kikuli muitukisize kunga sibaka sa mina kwa neku la Hae? [Kopano ili, “Amen.”—Mu.]

¹⁶⁰ Pilato, mi ka nako yeswana Pilato kona sa na ezize, ku siyezi lika zetalu zemukona kueza ni Yena. Pilato na likile zetalu, mi a li mbwinja. Mikwa yemilalu ye mulukela kulika kubeleka ka yona, kono haina kubeleka. Pilato nali likile ku Mu takula mwa mazoho a hae. Kono cwale ha sa beilwe mwa mazoho a mina, A mwa mazoho a mina. Pilato na likile mikwa yemilalu ye shutana, mi a palelwa.

¹⁶¹ Lu lukela kutalimana ni buniti bwa kuli U inzi mwa mazoho a luna. Lu Mu boni mwa Linzwi la Hae. Lwa Mu bona ha ipaka Iliyena. Lu ziba kuli Yena wa swana maabani, kacenu, ni kuyakuile. Kana ku cwalo nji? [Kopano ili, “Amen.”—Mu.]

Mi, Ha ni buleli fela kwa kopano ye kakusasana cwana, kakuli Ni bulela fela kubaba silezi, batu baba mianda ye mashumi a supile, mwendi, kono Ni bulela kwa ma milioni mwa tepu ye yekaya mwahala lifasi kaufela. Mwabona? U mwa mazoho a mina, mwa sibaka sa matepu, kai kaufela ko mu inzi. Mwa ziba kuli Ki yona Niti. Haiba ha mu ezi, konakuli mu libofu; hamukoni ku bona Linzwi, kamba nihaiba kubona Mulimu mwa Linzwi. Mi Umwa mazoho a mina. Cwale ki sikamañi se muka eza ni Yena?

¹⁶² Pilato na likile ku Mu beya kwatuko, kono lu lukela kutalimana ni buniti. Pilato nana ni ku talimana ni Zona. Na zibile. Na utwile.

Kihande, mu li, “Nali kuba ni bone ni yeñwi ya zona.” Mu Li utwile, nihakuli cwalo. Musweli mwa Li utwa ona fa. Mwabona?

Na bata Jesu kueza makazo, kamba makilikicani, a hae. Kono Na sa bapali makilikicani; Na sweli fela kueza sina Mulimu mwa na Mu bulelezi.

¹⁶³ Mu utwile. “Tumelo itaha ka kuutwa.” Muna ni tumelo, ni kuzwa foo, kuli muzuse zeo mwa mazoho a mina. Kono na file kuli atalimane ni buniti, nihakuli cwalo. Na ezize, mi kona mo lu ezeza ni luna kuli lusalimane ni buniti. U zibahalizwe hande. Munahane, ka Mali a Mutuu mwa mazoho a mina!

¹⁶⁴ Mutu unani kutokomela hana ni mali a mutu yomuñwi mwa mazoho a hae. Mutalimele fulai. Mufufisi wa fulai mwa fulai, ha zamaisa fulai yani cwalo, una ni kutatuba libelekiso kaufela. Kiñi? Una ni mali a yomuñwi mwa mazoho a hae. Sibyana sifi kaufela sibe bunyinyani simane silukela kutatubiwa, una ni ku

li tatuba. Mi ha ya kuli alize fulai, una—una—una ni kuhata fa petulu ya—ya—ya lubilo, ya injini, ni kubona kuli ya ka la kucisa. Ni ku yumbela zamaiso ya yona mwa musipili kaufela, kubona kuli mulumo ukaba—ukaba. . . haiba ika kona ku—ku—ku hapeleza, kamba ku potolosa lisipi, hape, kuba ni moya omuñata wa ku inanula kuzwa fafasi.

Mu yemi, buñata bwa mina, mwa fulai, kamba kuina fafasi mwateni, mi fulai kaufela ya nyanganyisa mubu, cwalo. Uka ifa kaufela ze inani, kubona haiba kuna ni sika kaufela se si zwile mwa sikuka. Haiba si ba cwalo, ika sheluna mafula ayona ni ku yema. Kono uka italimela hape, haiba una ni kuina fani fa nako nyana, kufitela a itatuba sinca hape. Mi haiba uka libelela fa nako nyana, uka itatuba hape.

¹⁶⁵ Cwale Keleke ilukela ku i tatuba hape, ni hape, ni hape, ni hape! Lu libelela Kutaha kwa Hae. Lwa zuha, lu libelela ku nanuha. Ki hande lu i tatube ka Linzwi, isiñi sa bulezi mutu yomuñwi. Mubone kuli mwa ziba, mina kasibili, kuya ka kutwisiso ya butu ni Kreste. Mu itatube hape, ni hape, ni hape.

Kiñi? Una ni mali a mutu mwa mazoho a hae. Ki hande atatube.

¹⁶⁶ Kucwani he ku dokota, asika pazula kale? Luna ni madokota nyana baba liteni mwahali mo kakusasana cwana. Mulemuhe, dokota yani, sa ka eza asika ya kale mwa muzuzu wa ku pazulela. U bata x-ray. U bata kutatuba mali. U bata kutatuna pilu. U bata kubona haiba muna ni sihotolwa kamba silami, asika fa kale ndonga ya kulobaza. Uka tatuba siitusiso kaufela; wa li bilisa, ka swanelo, kubona kuli hakuna likokwani mwateni. U kaeza sika kaufela. U ka tatuba, hape, ni hape, ni hape, hape. Kiñi? Una ni mali a mutu mwa mazoho a hae. U bata kuba ya ikolwisisa ka swanelo kuli lika kaufela libe ze lukile ka mo li lukela kubela ze lukile.

¹⁶⁷ Ku cwani ku mina? Ku cwani ku wena, muezalibi, ki sikamañi se muutwa ka sona?

Kuba ni mali a mutu mwa mazoho a hao, musebezi oswana inge wa mufufisi wa fulai, mi wa tatuba; dokota, mi wa tatuba; ni zeñwi kaufela, lika zeñata hahulu za sayansi; ha mu na ni mali a mutu mwa mazoho a mina, se muka eza!

Mi muatuli haya kwa ku fa katulo, mutalime mo aka baliseza libuka zani, kukuta ni kukutela hape ni hape ni hape ni hape ni hape, kwa sika sesinyinyani kaufela sakona ku bona, a si ka fa kale katulo. Kakuli, una ni mali a mutu mwa mazoho a hae, ku lukela kuba sesiñwi fa kuli sitatulule sani. Mwabona?

¹⁶⁸ Ku cwani ku luna, ha lu Li bona hande ha linze li iponahaza, kuli, “Ki ya swana maabani, kacenu, ni kuyakuile?” Uteni mo. U inzi mwa mazoho a luna. U inzi mwa mazoho a luna. U inzi mwa mazoho a mina! Ki sikamañi se mu ka eza ni Yena? “Ki sikamañi se Ni kaeza ni Jesu yo ya bizwa Kreste ya tozizwe?”

“Si eza sikamañi? Mu ka ziba cwani kuli Ki Yena?”

Sepiso ya lizazi le, lizazi le lu pila ku lona, kuna ni Mañolo amañata abulela, liemba zetuna za Lona li lukela ku talelezwa, ona liemba za mafelelezo a lizazi le. Kuna ni lika zeñwi *fa* ze lukela kuezahala, mi ki ze fa. Ki sikamañi? Ki Kreste ya tozizwe ya swana, lona Linzwi le litozizwe! Ki sikamañi se mu ka eza ni Lona? Kikuli muka Li lekisa kwa kopano?

¹⁶⁹ Cwale ki sikamañi sa na ezize Pilato? Pilato na likile ku Mu tapa kwa mazoho a hae, ka kubulela kuli. . . . Taba yapili yana ezize Pilato neli kulika ku Mu tapa kwa mazoho a hae, ka kubulela kuli, “Oh, ki Ya lukile. Ha na mulatu.” Mwabona?

¹⁷⁰ Mu li, “Oh, Pilato yani.” Pilato, babañata ba mu lumba? Batili, batili, batili! Nali mwa mazoho a hae. Na utwile Liñusa, na boni Linzwi, mi Nali mwa mazoho a hae. Mi kacwalo U mwa mazoho a mina. Yeo ki niti.

Ki sikamañi sa na ezize? Na likile kubulela kuli, “Oh, kihande, Ki Muuna yomunde. Hakuna mulatu o ni fumana ku Yena.”

¹⁷¹ Haiba nji yeo haki—haki—haki kalabo ya babañata hahulu kacenu! “Oh, hakuna se si fosahalile ni Linzwi. Ni sepa kuli li lukile. Bibeke ilukile hande, kono luna lu lumela mwa keleke. Kopano ya luna ha ilumelelani ni Lona.” Mwabona? Mwabona? Kuna ni sitopa silisiñwi sa batu babalika ku Mu tapa kwa mazoho a bona.

“Hakuna mulatu o ni fumana mwa Linzwi. Neli lelinde kwa ba apositola mwa lizazi la bona, kono luna lupila mwa lizazi lisili. Ha lu pili mwa lizazi la ba apositola, kacwalo he Hani lukeli kueza sina ba apositola mo ne ba ezelize. Hani lukelil ku kolobezwa ka nzila yene ba kolobezeza; Ni pila mwa lizazi lisili. Hani lukeli kuba ni lika zene ba nani; Ni pila mwa lizazi lisili. Moya o Kenile no filwe fela sikwata sani.”

¹⁷² Maheberu 13:8 i Mu kutiseza mwa mazoho a mina hape. [Muzwale Branham ungongota halalu fa katala—Mu.] Hakuna kubanduka! U pakilwe hande ka swanelo, “Yena wa swana maabani, kacenu, ni kuyakuile.” Hamuna kubanduka. Hamu koni ku Mu nepela kwa lusika lusili. Maheberu 13:8 ya nyaza mihupulo ya mina, ni ku Mu beya mwa mazoho a mina hape. Kacwalo Jesu u mwa mazoho a mina, inge fela mone kuinezi ku Pilato.

Mutalime. Mu li, “Kono Hani zibi.” Kihande, kiñi ha mu teezeza?

¹⁷³ Pilato nali mahedeni. Musala hae nali muhedeni. Kono Mulimu, kuli ibe taba ye lukile, aluma musali yani mwani mi ali, “Usike wa ba ni sa kueza ni Muuna ya lukile yoo.” Musali abulela, “Ni nyandile hahulu kacenu.” Eeni, neli kakusasana, neli kupazulisa lizazi busihu kaufela, mi liholo ze tweti fo

libalwa kuli ki lizazi. “Ni nyandile hahulu ka litolo busihu boo, ka Muuna ya lukile yani. Usike waba ni sa kueza ka Zona.”

¹⁷⁴ Cwale ki hali, “Kihande, kanti, haiba nji kuba cwalo, Ni ka Mu tapa fela kwa mazoho aka.” Kono na palezwi kueza cwalo.

Ni mina hamukoni. Ha mu se muutwile Niti, mu lukela ku I amuhela kamba ku I hana. Hakuna mukwa . . . Eeni, sha, muna ni kueza cwalo. Litemuso za Mulena!

¹⁷⁵ Mi Majuda ba huwa bali, “Mali a Hae abe fahalimwa luna; kakuli luna lu lumela baprisita ba luna, mulao wa luna wa kopano, lu si ka Mu lumela kale.”

Ki fo he cwale. Mwabona litopa zeo kacenu? Kono kaufela zona lina ni kutalimana ni taba ya Mulimu. Mina kaufela mu lukela ku eza cwalo, nihakuli cwalo, mahedeni kamba ube mañi kaufela. Ya sa lumeli, Methodist, Baptist, Presbyterian, ya futumala fela, ya bata, ya cisa, ni kaufela so kona kuba sona, una ni kutalimana ni taba yateni ka kuswana fela. Kamba wa tabela, kamba kutokwa, I mwa mazoho a hao. Yeo ki niti.

¹⁷⁶ Mi kuna ni bani ba balika mukwa omuñwi wa Pilato wa ku picuka taba, ku Mu kasheza ku Sizare yomuñwi. Mwabona?

Pilato naize, “Cwale amulibelele fa muzuzu. Ha—Ha—Ha—Ha ni lati kueza sika ka Zona. Ha—Ha—Ha—Ha . . . Ki Muuna yasina mulatu. Ha—Ha ni lati kueza sina ka Yena. Oh, Na—Na lumela se Ni utwile. Hani si ka Mu bona kale inge aeza makazo, kono kuna ni lipaki zeñata hahulu ze Mu yemela. Na—Na—Na lumela Ki Muuna ya lukile. Ki Muuna yomunde, mwabona, kono—kono Ha—Ha ni lati kueza sina ka Zona, na kasibili. Ni—Ni—Ni fela . . . Ni ka Mu tapa fela kwa mazoho aka. Amu ni tiseze mezi. Kaufela mina mwa ni yemela.” Eehe. Kono Mulimu na yemela, ni yena. Nali mwa mazoho a hae.

¹⁷⁷ Mi kacwalo U mwa mazoho a mina. Mwabona, mwa, mwa ziba se Ni bulela ka sona. Mwabona? Isiñi mina fela, kono teou ye. U mwa mazoho a mina. Ki sikamañi se mu ka eza ka Yena, yena Jesu ya bizwa Kreste yoo? Kreste ki Linzwi le li Tozizwe. Mwabona? Ki sikamañi se mu kaeza ni Lona? Ki Liñusa la hola. Lizazi lifitile, li pakilwe hande ka Bibeles ni ka Mulimu. Ki sikamañi se mu ka eza ka Lona? Muka picuka cwani taba cwale? Muka zamaya cwnai ni yona? U mwa mazoho a mina! Mi taba ya Oswald ikaba yenyinyani, ku ya mina, ibe kuli u mukutazi kamba u mañi kaufela.

¹⁷⁸ Majuda bani neli baprisita, ni licaziba, baluti, baana baba kenile; kono Nali mwa mazoho ka kuswana fela. Nali yena Linzwi, taba ya Mulimu ya lizazi lani, mi ba palelwa ku I bona. Ki baketwa fela kona bene ba I boni, bona bene ba I lumezi.

¹⁷⁹ Cwale kaufela ba lukela kutalimana ni taba. Mwa lusika lufi kaufela kubile ona cwalo, ka nako kaufela. Kukala ka lusika lwa Eva ni Adama, kutaha cwalo kwa lusika lwa Nuwe, kutaha fafasi

cwalo mwa nako ya Daniele ni Belteshazare ni Nebukadinezare, kutaha cwalo kuto fita mwa nako ya Krete, kutaha cwalo ni mwa nako luli ye lupila ku yona, kubile nto yeswana, taba ya Linzwi itile mwateni. Isiñi tuto ya tumelo ya bona, kamba isiñi kopano, isiñi tuto ya keleke, kono, taba ya Linzwi ibile ilwanisa lika zani. Kacwalo, cwale, Li mwa mazoho cwale.

¹⁸⁰ Mi cwale bani baba lika mukwa omuñwi wa Pilato, kuli ba Mu nepele kusili, ka ku Mu kasheza ku mutu usili. Pilato naize, “Cwale, mwa ziba kana? Ni ka Mu zusa fela mwa mazoho aka. Ni ka Mu tapa kwa mazoho aka ka mezi. Kuli Ni be fela . . . Nina ni kueza sesiñwi ka Yena. Kacwalo ki sikamañi se Ni ka eza? Ni ka Mu lumela kwa nkambe yetuna, ni bishopu.” Uh-huh. Eehe.

Sani kona se balika kueza kacenu. Mwabona? Ne ba Mu lumezi ku Sizare. Zani ne li si ka Mu zusa mwa mazoho a Pilato, ha li Mu zusi mwa mazoho a mutu ufi kaufela. Ne li ezize sikamañi? Ne li kutile ku yena. Kukulela ku yena mutu hape.

¹⁸¹ Mu li, “Kihande, Ne ni ka tabela, Ne ni ka tabela kueza cwalo. Ne ni ka Li amuheha haiba kopano ya ka ne ika Li hamuhela.”

Kopano ya mina ikeni mwa Katengo ka Likeleke, i nyazizwe! Ba ka Li amuhela cwani? La ba kutela, ku mina. Ha ki se ibulela kopano ya mina; kikuli, ki sikamañi se mu bulela? Ba Li hanile; cwale ki sikamañi se mu ka eza ka Lona? Yeo kona nto yetatama. Mwabona? Sani hasi Mu zusi mwa mazoho a mina.

U pakilwe handende ka swanelo. U bonahalizwe handende ka swanelo, yena Linzwi la hola ye, ili sepiso ya hola ye. Isiñi sepiso ya hola ya Luther; yani ne Ili ya nako yani, lani neli Linzwi la mwa lusika lwa baongaongi. Sina, mina kaufela baba utwile Maswayo Asupa, mi lusika lwa baongaongi hane lu felile, Sibatana sa sifateho inge mutu (kopano) ne si tahisizwe; kono se ki sifateho sa mbande, Sibatana se si tisize butata kacenu.

¹⁸² Mi ki mañi ya ka nyamatala kubulela kuli lani ne si Linzwi la Mulimu le li susumelizwe, kanti Na Li bulezi kale fa, ni ku li lumela kwa Arizona ni ku Li kutisa, hamoho ni sayansi ni lika zeñwi kaufela, ni ku Li paka cwalo! *Buka* ye ikwaluhile kale, yeo ki niti, i libelezi fela Liswayo la Busupa kuli li zibahale ka Kutaha kwa Krete.

¹⁸³ Ku lukile, U mwa mazoho a mina. Mu lukela kueza sika fateni ni Yena. Musike mwa itubula Yena. Eeni, sha. Mwa kalulo ye, Ni tabela kubulela kuli, “ku Mu tambeka ku mutu usili.”

“Haiba kopano ya ka ne i ka Li amuhela, Muzwale Branham, Ne—Ne ni ka Li amuhela. Kono, mwa bona, boma neli ba siemba sa keleke ye.” Neba pila mwa lusika lwa bona; yani ne si wena. Seli wena cwale. Mutalime se ne ba zwile ku sona, kuli babe sene bali sona. Ku cwani he ku wena? Ku lukile.

¹⁸⁴ Mutalime. Mu li, “Boma neli Mapentekota. Neba ezize sa *kuli-ni-kuli*. Ne ba zwile mwa kopano.” Kono Ni lika kubulela ku wena cwale. Ku cwani he ku wena? Mwabona?

Mwa sikwata se, lu fumana babañata baba itutile. Cwale, Ni ziba kuli Ni ka holofaza maikuto cwale fa, kono ha Ni ezi ka boomu. Haiba Ni eza cwalo, konakuli Ni—Ni lukela kuwa ka mañwele, ni bake. Ni bulela se ka lilato la bumulumu.

¹⁸⁵ Jesu, ha Na yemi fani, ni Bafarisi bani; na bulezi kuli, “Mina mu zwa ku ndata mina, yena diabulosi; misebezi ya hae mu ka ieza.” Ibo aba bizeza sishemo ni makeke, fa sifapahano, bona bene ba Mu kokotela. Mwabona, Na si ka ba nyemela. Na bulezi kuli, “Mina lusika lwa linoha.” Mwabona? Mwabona? Lika kaufela, Na ba kutile kwa lika kaufela za Na kona, mwabona, mi ni ku ba lapelela fa sifapahano. Mwabona? Ne si Yena ya na tabela kueza sani; ne si cwalo, kono ne ba boni mafosisa o ne ba eza.

¹⁸⁶ Mi Ni bulela nto yeswana kacenu, mwa sikwata se sa “ku shimbulula mutiyo ku mutu usili,” kamba nto ye lubiza mwa busole kuli, “kutambeka dollar mutu usili.” Lusweli kulika ku tambeka mutu usili, sina Adama ni Eva mone ba ezelize.

Eva na likile. Adama naize, “Yena musali yo Ni file,” mi ani neli maipato ku yena. Mwabona? Musali ali, “Ki noha ye ni pumile. Musali. . . Ki yena ya kopani nina ka ku lobala. U ni pumile. U ezize se.” Sani ne si si ka mu mutokwisa mulatu, ni hanyinyani. Ne ba ile kukena mwa katulo, ka kuswana fela. Eeni, sha. Ku lukile.

¹⁸⁷ Habakoni ku ishimbulula, alimuñwi. . . Hakoni kubulela kuli, “Kambe kopano yaka neila lumela Se, Na—Na lumela nina. Kono, Ni bile mwa kopano ye.” Sani hasina nihaiba nto iliñwi ya kueza ka sona. Majuda nebana ni nto yeswana, ni mina mu cwalo.

¹⁸⁸ Mi, mulemuhe, babañata mwa taba ye, lu fumana baana baba lutilwe hande mwa sikwata se. Cwale muteeleze ka tokomelo.

Mwabona, sizo sa muinelo, se lu biza kulutiwa sizo sa muinelo kacenu, kona sa na tizeze Satani ku Eva, neli butali nyana. Ali, “Meeto a mina a si ka kwaluha, kona a mu palelwa ku Li utwisisa hande.” Musali na zibile Linzwi, mi ani neli mafelelezo. Na boni Mulimu ha paka Linzwi lani, mi sani ne si lukela kuba hande. Na sweli ku mu buluka Bupilo Bobusafeli, ibile fela na ka pila ni Linzwi lani. Ha na lyanganisize Linzwi lani, nana ni sepiso ya Mulimu kuli na ka shwa ka lizazi la na ka Li lyanganisa. Mi, ha na Li lyanganisize, a shwa. Yeo ki niti.

¹⁸⁹ Luna ni Linzwi la Mulimu leli pakilwe hande fa, le li bonahaliswa, li pakilwe ka Moya, kuli U lu amuhezi ni ku lufa Kolobezo ya Moya o Kenile. Lu kolobelizwe ka Libizo la Jesu Krete. Ki Evangeli yeswana, kii lisupo zeswana, limakazo

zeswana, ki bulumiwa bo buswana, mane nihaiba ona Siita sa Mulilo se si swana se si iponahala fapila luna, si bonisa lisupo ni limakazo. Hakusana buinyazo, kai kamba kai.

Mi zeo ki zona luli zene ibulezi Bibeles kuli lika ezahala mwa mazazi a maungulo, mi ki pizo kuzwa mwa Malaki 4, “kuu kutisa Tumelo ya bana kwa bashemi ba bona hape.” Mi kasamulaho fela wa sani, ba bamaswe ba zamaya . . . kamba ba balukile ba ka zamaya kuhata fa mufuse wa ba bamaswe; lifasi kaufela ne lina ni ku cisiwa. Mi tutowati twa nyendaela mwa halimu, ma bomba abeilwe mwa mulaini.

¹⁹⁰ Mwabona se iezize Germany hane ba tilo fumana fela kuli ba Pres- . . . kuli Mutompeho na bulailwe? Ba lumela kwateni masole ba bona kapili, kakuli yani neli yona fela nto yene sweli Russia kwa ku sa bomiña kulo kwani. Mi ba nata . . . Kennedy na ba lumezi fela linzwi, kuli, nako yene ba ka eza cwalo, kipeto na ka ba fiyela kuyundisa mwa lifasi, kuzwa mwa Germany kaufela. Mwabona? Mi ba hupula kuli ne ba ka yo yola, kono nako ne i si ka kwana kale, mwabona. Mwabona?

¹⁹¹ Lu fumana baituti, bakutazi baba itutile, babuleli, balika ku Li shimbululela ku yomuñwi. Mwabona?

Kiñi, kiñi Pilato hana si ka bulela kuli, “Kihande, amu libelele fa muzuzu nyana, Muuan yoo . . . musala ka yo utilo ni bulelele, mi Ni utwile bupaki bobuñata ka Wena. Mwa ziba, Ni—Ni bata kuzibisisa. Ni bata ku buza taba yeñwi. Ki sikamañi se Ni ka eza kuli nibe ni Bupilo Bobusafeli, Sha? U mwa mazoho aka. Ki sikamañi se Ni lukela kueza?” Kihande, na kali—na kali. . . Na kali, “Kana—kana ki Wena Mesia? Kana—kana ki Wena—ki wena Mulena wa Majuda?”

¹⁹² Mi ali, “Sani kona so bulezi. U bulezi.”

“Kamba, lu bulelele, kaniti, na ki Wena Mulena wa Majuda?”

Ki hali, “Kona ze ne Ni pepezwi.”

Ki hali, “Hakuna mulatu o ni fumana ku Yena.” Uh-huh. “Kihande, Ni ka Mu tapa fela kwa mazoho aka.”

¹⁹³ A mu alaba, kono na si ka Li amuhela. Kiñi? Ne li ka kutisa muikuhumuso wa hae mwatasi. Kacwalo lu hupuzi kuli na ka lumela kwa sibaka sa muika wa munituti yomuñwi, ni kubona sa na ka eza ka Zona. Mwabona?

¹⁹⁴ Nto yeswana ni cwale, taba ya taha hape. Ki sikamañi se mu ka eza ka Lona, Linzwi? Ki sikamañi se mulukela kueza, mubuze muika wa munituti wa za bulapeli, kamba bishopu, kamba mutu yomuñwi, haiba ukona kucinca mulelo wa hao wa kolobezo, haiba ukona kueza se, kamba kueza se? U bone mukete wakuli, mi, “Kaniti, ha u ya cwalo.” Uka li kutiseza ku wena hape. Haiba u eza seo, u ka lelekelwa kwande. Mwabona?

¹⁹⁵ Ne li ka kutisa muikuhumuso wa sicaba mwatasi. Eeni, bona—bona ba nahana . . . Mi katengo ka kopano haka koni ku liyemela . . . Inge—inge Pilato mwa na Li shimbululezi ku Sizare; neba si ka Li yemela. Sizare a Li kutiseza mwa lizoho la Pilato. Kacwalo balika ku Mu tambeka mwa—ku mu beya mwa litho za likopano za bona, mi zeo ha li beleki. Makilikicani ao asika beleka fateni, mi haana kubeleka fateni. Na si ka beleka ku Pilato; hana kubelela ni ku mina; haana kubeleka ku mañi kamba mañi kaufela. Cwale, sa bubeli, nto yemukona kueza ki . . .

¹⁹⁶ Sabulalu, nitaluse, ki ku Mu amuhela kamba ku Mu hana. Hamukoni ku Mu tapa kwa mazoho amina. Hamukoni ku Mu tambeka mwa mulao usili, kamba sika sisili fela cwalo. Mu lukela kutalimana ni taba yateni. Kacwalo ki sikamañi se mukona kueza?

Sina Pilato, na yemi ni taba yeswana, mi ali, “Amu fe mezi, Ni ka Li tapa kwa mazoho aka, kuli ni pake!” Mi ha na kutile, niteni nana ni ku to fa katulo; na si ka lukuluha ku zona. Na likile kubulela kuli, “Kihande, Na, haiba Ni palelwa ku Mu zwisa mwa mazoho aka, Ni ka Mu beya mwa mazoho a Sizare.” Mi Za mu kutela, ku kutela ku yena hape.

¹⁹⁷ Za eza cwalo ni ku wena, hape, kakuba mutu unosi. Ki sikamañi so ka eza? Isiñi se ba ezize boma, se ba ezize bondate, se ba ezize bo mulisana, sa eza Muzwale Branham, saeza mutu kaufela; Li fa mazoho a hao! Ki sikamañi so ka eza ka Sona, ni Jesu yo ya bizwa Kreste? Kakuli, una ni Mali mwa mazoho a hao, mi Ki Mali a Mulimu. Cwale ki sikamañi so ka eza? Ube ni mulatu wa sifapahano. Mwabona?

¹⁹⁸ Wakona ku Mu takisa, u amuhele tuto ya tumelo ya hao kamba sika kaufela so bata kuamuhela, kamba kubulela kuli, “Kihande, Ni ka li shimbulula fela. Hakuna se Ni ka eza ni lika za keleke ze.” Haukoni kueza cwalo. U mwa mazoho a hao. Yeo ki niti. Haukoni kueza cwalo. “Ni ka libala fela lika kaufela.” Haukoni kueza cwalo. Asali mwa mazoho a hao. “Kihande, Ni ka bulela fela kuli, ‘Mulisana waka ki yena ya ni lutile ze.’” La kutelanga, kapili luli. Ki ku wena. Mwa ziba. Cwale, wakona ku Mu amuhela kamba ku Mu hana, ki nzila kaufela yeo utabela kueza ka yona. Sikamañi? Sina ni kutaha ku yeñwi ya zona.

¹⁹⁹ Cwale sikamañi? Sina Jesu hana bulezi kwa Bafarisi bani, Ha naize, “Kakuli mu Bafarisi ba libofu,” mwabona, Kimañi ya ka bulela nto yeswana kacenu kuli, “mina libofu za baluti ba bulapeli, mwakona kulemuha nako ya swalisano. Musweli kulwanisa sani katata luli, mi mu ziba kuli Mulimu utisize ona nto yeswana kuli ami bulaye ka yona.” Mwabona, mu sa zibi Mañolo. Mwabona? “Mina, mwakona kulemuha kuli swalisano ika koma lifasi. Mwakona kubona cwalo. Mwakona kulemuha cwalo.”

200 Lituto zaluna kaufela liamana ni swalisano. “Mu zwise swalisano mwateni!” Ni utwa hahulu za yona konji ha Ni sa lata kuutwa za yona ya ni kulisa. Na ilwanisa, nina. Kaniti, Na ilwanisa. Kono sihulu Ni lwanisa hahulu muuna kamba musali ya hana Jesu Krete, yena Linzwi. Kamba, ukaba mukutazi kamba kaufela seo uli sona, una ni kuikalabela hahulu ku Krete kufita ku mutu wa swalisano yoo. Yena ki sitimbi mi hakuna sa siba ka Zona. Wena ulukela ku ziba. Mwabona? Mwakona kulemuha nako ya swalisano, kono hamukoni kulemuha sisupo sa lizazi le mupila ku lona.

201 Jesu na bulelezi Bafarisi bani, kuli, “Mina baipei!” Ali, “Mu zwela kwanda ni kotalimela mwahalimu, mi mubulela kuli lizazi li fubezi mi lihalimu li minahani, kamuso halina kupazula hande. Haiba lihalimu libonahala hande,” ali, “mu bulela kuli kamuso ikaba lizazi lelinde.” Ali, “Mwakona kulemuha lisupo za nako, kamba lisupo za lihalimu ni buino bwa moya mo lipazulezi lizazi, kono haili lisupo za nako hamu li zibi.” Ki yani Nali fani, yena Mesia, ni ku Li hana.

Mi luna kamita lubulelanga ka za swalisano ni litaba zeñwi zee, kono, sisupo sa nako, ha lu Si lemuhi. Mwabona? Ha luisezangi ngana ku sani, sani lwa si libalanga. Ku kopana hamoho ona fa cwani mwa ku sa lumela, mi ba li amuhela, kono ba palelwa ku utwisisa ni kubona sisupo sa nako seo Bibeles ne bulelezi kuli si kaba sona.

Kana mu Li utwile zeo? [Kopano ili, “Amen.”—Mu.] Nina ni kukwala, kapili ona fa cwale. Se li busihu luli, mwabona.

202 Sina bashemi ba bona mone ba ezelize, kona mo ba ezeza ni bona, ki nto yeswana kacenu. Cwale, buiktelo bu se bu ezizwe kale. Buna ni kufitiwa teñi. Muna ni kufia fateni, ka mukwa omuñwi. Mwabona? Kukokotelwa kwa Linzwi hape, kamba ki sikamañi se mu ka eza? Kukokotelwa kwa Linzwi ku sutelezi. Kukokotela ni kutuhelisa Linzwi le li pakilwe, kakuli—kakuli mayemo a kopano, sina Pilato mwa na ezelize, kulika ku li kasheza ku mutu usili. Cwale ki sikamañi se mu ka eza, wena kakuba unosi, uka eza sikamañi ka Linzwi le li tozizwe le li bizwa Krete?

Yena yaswana maabani, yena Krete yaswana lona Linzwi le li tozizwe mwa mazazi a Nuwe. Yena Krete yaswana, yona—yona Kota yeneli mwa simu ya Edeni; yana siile Eva yani, kuca kwa Kota ya Bupilo yee, ku amuhela kota ya zibo; muuna, musali a siya Kota ya Bupilo, kuli aikungele kota ya lifu. Nako ya Nuwe ne iezize lika zeswana. Mwa mazazi a baplofita, neba ezize nto yeswana. Mwa mazazi a Krete, neba ezize nto yeswana.

Mi ki ba bateni kacenu. Kakuli yeñwi ni yeñwi ibulela ka nako ya yona, mi, taba yani hane italelelizwe, nako kaufela hane banga libaka la kopano ya bona, ni zeñwi cwalo, mi zibo ya lifasi

mwa sibaka sa kuba Linzwi le li tozizwe la Kreste. Ki sikamañi so ka eza, kakua wena unosi?

203 Pilato na si ka Mu zwisa mwa mazoho a hae. Na—Na kwala, konakuli mukuze fa muzuzu nyana. Pilato na si ka Mu zwisa mwa mazoho a hae. Ni mina hamuna kukona, ka nzila ya na ezize ka yona, ka kulika yeñwi ya makilikicani aa. Na si ka lieza cwalo. Mwa ziba sene si ezahalile ku Pilato? Na sa lyangani mwa minahano ya hae. Neli fitile fa kuli za na sweli fela kuutwa neli ona kukokotelwa kwani. Kaufela za na sweli fela kuutwa neli lilata, kuli mafelelezo a to takana.

204 Mi bana ni litangu kwani mwa Norway, kamba isiñi. . . Mu ni swalele. Kwani mwa Switzerland; kafoo, Ni bile teni kwani, nili muhasanyi wa linzwi. Ba bulela kuli kukona kukopana likitikiti za batu kwani, kuzwa kai ni kai mwa lifasi, la Bufaifi Lelinde; musima wa mezi koo Pilato na ilo ipulaela. Ki ha icumbela fela ili yena mwa lifu la kasa ka mezi kaa. Mi ba bulela kuli la Bufaifi Lelinde lifi ni lifi kaufela, ka sili kiloko mwa musihali, mezi afetuha kuba mubala wa bu ndilu, ashelauka mo ne ku cimbami mubili wa Pilato. Na Li hanile. Ku sana ni Mali mwa mazoho a hae. Mi yena a hana, a tokwa kulumela; ka mezi.

Hamukoni ku Mu tapa kwa mazohi a mina. Hakuna mezi, hakuna mulola ube buhali umane, okona ku A kenisa. U mwa mazoho a mina. Ki sikamañi so ka eza ni Yena?

205 Ki ye taba fela yemukona kueza. Haiba hamukoni ku Mu tapa mwa mazoho a mina; hamukoni ku Mu kasheza kwa sika sesiñwi; hamukoni fela ku li fiteleza fela ona cwalo. Hakuna mukwa usili mwa lifasi. Taba fela ye mukona kueza ki ku a Amuhela, mwa pilu ya mina. Yeo kona nzila ya ku Mu zwisa ku mina. Ku Mu zwisa mwa mazoho a mina mi kipeto mu Mu beye mwa pilu ya mina, kamba mu Mu siye mwa mazoho a mina kipeto muyemele Katulo. Yani kona nto fela inosi yemukona kueza.

Mafelelezo a Pilato neli a sabisa.

206 Linzwi li lbulela kuli baba Mu beya mwa mazoho a bona. . . Ne ni ka I bala. Kono Ibulezi kuli, “Neba lilezi kwa macwe ni malundu. Neba lapela, kono litapelo za bona ne li liyehile kale.” Mwabona? Neba lilile, “Mu lu pate kwa pata ya Hae yena yainzi fa Lubona, ni kwa buhali bwa Ngunyana, sani ki kwa Totolo, ona Bupilo bwa Ngunyana bobuna ni kutaha. Kakuli, Lizazi lelituna la Katulo litile, mi ki mañi yaka kona kuyema?”

207 Ki sikamañi se mu nahana kuli Oswald kona sa ka eza ha ka ya fapila Kuta Yetuna, ni kubona meeto a buhali ani a—a muatuli ni bani kaufela baba inzi kafani? Wa ziba se si ka ezahala. Ikona kuba sibaka sa moya o fipeliswa, kamba muhala o ka tamelelwa kwani, kamba nto yeñwi. Una ni kulibana ni zona.

208 Kono kucwani he haiba ne mu ka zamaya ni Mali mwa mazoho a mina, ka kuhana? Ni kuziba kuli lihele liyemi fapila

mina, sinyeho ya Kuyakuile; kulilela macwe ni malundu; kono ba lapela, kakuli litapelo ne li se liliyehile.

Mwa Maheberu 10, “Haiba lu eza sibi kaboomu.” *Sibi* ki “kusalumela.” “Haiba lu hana kulumela kaboomu feela kasamulaho lumano amuhela Niti, yona zibo ya Niti.” Hamu lukeli ku Li amuhela; muzibe fela ka Lona. Hamu lukeli kuba ni Lona, fela mulukela. . . Oh, batili, batili. Mwabona? Na si ka bulela kuli, “kasamulaho lumano amuhela Niti.”

. . . *haiba lueza sibi kaboomu kasamulaho lumano. . . amuhela zibo ya kuli ki niti, hakusana sitabelo sa libi,*

Kono he. . . kulibelezwi mutalimelo. . . o sabisa wa katulo, . . . ye ka sinyaha,

. . . *Kakuli Mulimu naize, Kukutisa ki Kwaka, mi Ni ka kutisa bumaswe, kubulela—kubulela Mulena.*

²⁰⁹ Haiba lu sa Li lumeli, kaboomu fela, kasamulaho Niti ha se ipatalalizwe ku luna, hakusana kuba sishemo hape. Hakusana sishemo hape se si ka fiwa.

Mulisana, yasweli kuteeleza kwa tepu yee, kucwani ka zeo? Membala wa keleke, yasweli kuteeleza kwa teou yee, kucwani he ka zeo? Wena uka eza sikamañi, haiba lu sa Li lumela kaboomu fela? Hamukoni ku Li tapa kwa mazoho a mina. Hamukoni ku Li kasheza kwa nkambe yetuna. Li ka mi kutela hape, kukutela ku mina hape. Mu Li utwile. Ku cwañi he ka mina? Kana muka yema cwani mwa Lizazi lani?

Ikaba yaba kuli u mwa mazoho a mina kamba u mwa pilu ya mina, ikona kuba iliñwi ya libaka zeo. Mulimu alu tuse.

²¹⁰ Haiba—haiba mukona kunahanisisa pulao yeo, ni se si na kuezahala mwa pilu ya muuna yani. Ki sikamañi sa ezize? Na tilo zuha ka kuliyeha, kasamulaho amano si eza.

Mutalimele, nana ni kolo. Na pepilwe ali mu American ya lukuluhile. Na pepilwe ali mu American. Kono na bata kulekisa tukelo ya hae ya kupepwa, kuli abe mu Russian, mi se li mukutela. A nyala musizana wa mu Russian. Cwale ki munahani ya lukuluhile wa ba swalisano mwa katengo ka kwa Cuba.

Kunahana ka kulukuluha, “Na inahanela za ka.” Hamuna muhupulo o taha. Ki sikamañi se muka eza ni Jesu yabizwa Krete? Ha u munahani ya lukuluhile. Hakuna kunahana ko ku lukuluhile. Mube ni maikuto analiteni ku Krete.

Halu lapeleni.

²¹¹ Munahane minahano yee, “Haiba kuna ni zelumbiwa kaufela, haiba kuna li mata ku zona, munahane ka zona.” Mwahala luna kakusasana cwana, mi ni mwa tepu ye, hape, Na bulela. Haiba muteni mo kakusasana cwana, mi muziba kuli ha mu si ka yema hande ni Mulimu, mi ha mu si ka pepwa ka Moya wa Hae, ni Mulimu u. . .

Mu li, “Kihande, Ni bulezi kale buipuleli.” Zeo ha ki zona ze Ni bulela fateni. Kana Mulimu u liamuhezi nji? Mwakona kubulela kuli, “Eeni, Ni, Ni file buipuleli, ni zeñwi cwalo. Eeni, Na lumela.” Kona mwa na ezelize ni Pilato, “Ni file buipuleli, luli, ‘Ki sikamañi se Ni kaeza ni Muuna ya lukile yoo?’” Hamukoni ku Mu tapa kwa mazoho a mina ona cwalo. Batili, batili.

²¹² Ki sikamañi se muka eza ni Yena? Haiba ha u Mukreste ya pepwile sinca, ni Moya o Kenile unzo pila ku wena, ku fumisa Bupilo bwa hao, konakuli kiñi ha u sa ikungeli Bona cwale? Hauna kutapa Ze kwa mazoho a hao. Hauna kuuwa mafelelezo a Liñusa le. Li ka lila ku wena kufitela utisa Liñusa mwa pilu ya hao, kuli Jesu Krete ki ya swana maabani, kacenu, ni kuyakuile.

²¹³ Mwa sicaba se sibonahala se kakusasana cwana, kana kukaba baba ka lemuha cwalo, kuli ba fosize, mi mu ka nanula mazoho a mina. Haluna sibaka sa kubizeza batu kwa pata, sibaka sitezi kwa sinana. Kono mubulele fela kuli, “Mu ni lapelele, Muzwale Branham. Mulimu ani tuse.” Mulimu ami fuyole, Na bona lizoho la mina. “Ki, Ni bata cwalo, ona fa. Ona fa Na bata cwalo, fapila Mulimu, Yena u ziba kuli Nina ni mulatu, mi Ni lemuha kuli Nina ni mulatu. Ni—Ni bata ku Mu zwisa mwa mazoho aka; Ni Mu bata kuba mwa pilu yaka.” Nanula lizoho la hao, uli, “Ni lapelele kwateni, Muzwale Branham.” Mulena ami fuyole. Na bona, mwa nombolo ya sicaba se mo, mwendi ki baba mashumi amane, mazoho amashumi aketalizoho ananuhezi mwahalimu mo.

Wabiza kacenu,
Wabiza kacenu,

Munahane ka zona cwale, yo ki Yena ya biza. Jesu wa biza. Yo ki Yena ya bulela ku mina.

²¹⁴ Kana uezize sibi kufitelela tikanyo, kufitela pilu ya hao iba yetezi mafume, kufitela hasana, ku Li utwa ni hanyinyani? Ka, nako ya kuba mushimani yomunyinyani kamba musizana yomunyinyani, u Li utwile. Ubile ni takazo ya ku lieza, kono u Li hanile, mi utampakanyize ni kutampakanya mañiba ani ni kuhoha. Kana se liile kwahule kuli hausakona ku Li utwa ni kamuta? Kana uyemi fo . . . ube ni . . . fa sibaka sina Oswald fayemi ka kusasana cwana, zeo wa li ziba? Uh! U kona kueza cwani zeo?

Kana ku kaba ni yomuñwi lusika kwala kale mi Ni ku lapelele? Kai ni kai fela mwa muyaho, ya si ka nanula lizoho la hae, abulele kuli, “Muzwale Branham, ona haubulezi fela manzwi amafelelezo, Ni—Ni utwile sani.” Mutu kaufela, kwande, mwa malibela, bukaufi ni mahaulo, kai ni kai, hakuna taba. Fela . . .

²¹⁵ Mulimu aku fuyole, kalibe yomunyinyani. Mulimu aku fuyole, sha, wena. Una ni wena. U keni . . . Mulimu aku fuyole,

kalibe. Yomuñwi hape? Mulimu aku fuyole, kalibe. Mulimu aku fuyole, kwanu. Mi Mulimu aku fuyole kwa neku leo, mushimani yomunyinyani, musizana yomunyinyani. Eeni, Mulena ami fuyole. Kwa mulaho kafoo, sha. Eehe.

Cwale ha lu nahaneñi fela cwale. Ni bata kuli mueze se halunze lu opela pina ye ka bunolo, *Jesu Wa Biza*. Cwale Ni bata kubulela kuli, “Mulena, uni utwele makeke, na nili muezalibi, kamba muicanganisi. Ni membala wa keleke, Mulena, kono Ni—Ni—Ni bata Wena. Ni bata Wena. Ni tuse! Nika—Nika Ku sebeleza. Na sepisa cwalo, ona fa cwale. Ni nanuzi lizoho la ka, kuli Na Ku bata. Cwale U nanule pilu yaka, kuli Na Ku amuhela, mi Ni ka Ku amuhela mwa pilu ya Ka.” Halunze lu opela timana ye hape, kana muka eza cwalo?

Wabiza kacenu,
Wabiza kacenu,

²¹⁶ Cwale mulapele ka nzila ya mina. Mulapele cwale. “Jesu wabiz- . . . ” Yo ki Yena ya bulela. Leo kona libaka ha mu nanuzi lizoho la mina.

. . . -ubiza ka bunolo kacenu.

Jesu wa biza, O muteeleze kwa Linzwi la Hae;
Mu Muutwe . . .

Ona fa cwale, mu Muutwe. Muli, “Mulena, Nina ni mulatu. Mali a Hao ainzi mwa mazoho aka. Ni muezalibi. Hani A lati kuba fa mazoho ni kamuta. Hanikoni ku A tapa; Ni likile cwalo, mwahala lilimo. Hanina ku Ku kasheza kusili sina Pilato mwa na ezelize, kulika ku Ku kasheza ku mutu usili. Ni bata Wena. Taha mwa pilu yaka, ona fa cwale, Mulena. Na Ku amuhela. Na Kubona unzo yemi fapila ka, sina siswaniso se si yemi fani; ka tumelo Ni zamaya kukena ku Wena, ka kuziba kuli Uka ni swalela. Mi Ni . . . Uka ba mwa pilu yaka, kuzwa kacenu kuya kwapili.”

. . . kacenu, (mañi ni mañi amulapele)
Jesu wabiza,
Usweli wabiza ka bunolo kacenu.

[Muzwale Branham ukala kuñuñuna pina yetwi *Jesu Wa Biza—Mu.*]

²¹⁷ Ndata yakwa Lihalimu, liñusa nyana lelinyinyani lifelile. Mi cwale, buiketelo, likuta litomile kakusasana cwana. Mangeloi a kopani mwa sibaka sa muzuzu. Moya o Kenile o mutuna mo ufa lisupo za kuli Jesu u sa piila. Nali yena liweluwelu la Bupilo Bobusafeli. Libita ne li si ka Mu tibela, kamba nihaiba lihele ku Mu kiyela. Na kambami; kutumululwa kwa lihele, kutumululwa kwa libita. Mi Uyemi mwahala luna, kacenu.

Mi lituto za luna za litumelo ni likopano li litamile batu babañata hahulu, Mulena. Sibi si ba tamile, kono kacenu babata ku lukuluha. Ba yemi sina Pilato, mi, mwa sibaka sa kuli ba Mu

shimbululele ku babañwi, ba nanuzi mazoho a bona, “Taba mwa pilu yaka, Mulena Jesu. Hanina ku Ku tapa kwa mazoho aka ni kamuta. Hanikoni kueza cwalo. Wena u sa li mwa mazoho aka. Ni tapile ni kutapa katata, kono ha U si ka zwa kwateni, kono cwale Na Ku amuhela. Ni bata Wena mwa bupilo bwaka, mi Na Ku amuhela mwa bupilo bwaka. Mulena, ni amuhele mwa Mubuso wa Hao, ka kuswalela libi za ka, mi unife tumelo ya kulumela kuli Wa ni amuhela, Ndate.” Lumeleza cwalo. Ka Libizo la Jesu Kreste, lwa lapela.

218 Mi cwale hamuna ni litho za luna zeinami. Tumelo, ka tumelo. . . “Mi, Mulimu, Uni tuse kuba ya sepahala. Kono ka kuziba kuli U sepisize cwalo. . .”

“Ya ka taha ku Na, Hanina ku mu yaya. Mi Ni ka mufa Bupilo Bobusafeli, mi Ni ka mu zusa ka lizazi la mafelelezo. Yena ya ka Ni paka fapila batu, ni yena Ni ka mu paka fapila Ndate Luli ni fapila Mangeloi a kenile. Yena ya utwa,” toloko ye lukile, ya niti ya Muhalalehi Joani 5:24 fo, kikuli, “ya utwisisa, ya amuhela Linzwi la Ka. Ya amuhela Linzwi la Ka, mi alumela ku Ya Ni lumile, una ni Bupilo bwa kamita, mi hana kubizezwa kwa Katulo.” Hamuna kutaha kwa Munanga wa Katulo sina Oswald mwa ka ezeza. “Kono mu zwile,” muna ni swalelo ye lukuluhile, “ya kuzwa kwa lifu kukena mwa Bupilo.”

219 “Mulena, Na hanizibi kuli ki cwani, Na hanizibi libaka, kono—kono Ni lumela kuli ku ezahalile. Na lumela cwalo, mwa pilu yaka, ku sa lumela kwa ka kufelile. Na kona kubulela ka kulukuluha kuli ‘amen’ kwa Linzwi kaufela le U bulela, mi Na Li amuhela onafa cwale. Na li lumela.”

220 Cwale ni litho za mina zeinami. Mina baba lumela cwalo, mina baba nanuzi mazoho a mina nako nyana fela ye fitile; mi ka tumelo mu bona siswaniso sa Kreste se si yemi fani, seo mu lukela kuba ku sona. Mu sweli kuzamaya ka tumelo, mu lumela kuli libi za mina li swalezwi. Mi kuzwa lizazi le kuya kwapili, mu itukiselize kolobezo ya Sikreste, mi mu itukiselize cwale kuzamaya ku Kreste. Nji cwani, kakuba bupaki ku Yena, munanule mazoho a mina kwa mulaho, muli, “Ka tumelo Na Li lumela ka pilu yaka kaufela”? Mulimu ami fuyole. Seo ki sesinde. “Na Li amuehela cwale. Na—Na li amuhela; hakuna se Ni kona kueza.” Mulimu ami fuyole. Kubonahala inge kuli Ni boni batu kaufela. “Na amuhela cwale.”

221 Mwabona, hamuna bunde, mwali kuba mube babande, hamukoni kuba babande nihanyinyani, kono Jesu na si ka shwela batu babande. “Ki sikamañi se Ni lukela kueza, Mzwale Branham?” Mu amuhela fela Sa ezize, mu amuhela fela sa Na mi ezelize. Mi cwale ka kulumela Cwalo ni k Li amuela. . .

Cwale, Na lumela, mulisana, siliba si ka kwaluha. [Muzwale Neville uli, “Eeni.”—Mu.] Kolobezo ikaba ka swanelo, haiba mubata ku kolobezwa.

Haiba mukile mwa ikungela malumbatina, “Ndate, Mwana, Moya o Kenile,” mina kaniti . . . Ni bulela se ka swanelo ni likute, kono, ka nzila yaka ya mo ni bonela, ha mu si ka kolobezwa. Mane mwa li kuba, kakuli ha mu si ka lwala sa Na bulezi.

²²² Na ize, “Mu bakolobeze ka Libizo la Ndate, Mwana, ni Moya o Kenile.” Haiba ne mubile fela ni malumbatina ao kuba ona ana bulezwi ku mina; Na si kabulela kuli, “Muyo bulela *malumbatina* aa; amuyo mubulele *mabizo* aa.” Zali ku ba liezahale mwa Bibebe. Ne ku sa ezahali cwalo. Neli kuli, mu kolobeze ka nzila yana bulezi Jesu, “Ka Libizo la Ndate, Mwabona, ni Moya o Kenile,” ili yena Jesu Kreste.

²²³ Pitrosi, inza sweli linotolo, abulela nto yeswana; muapositola ufi kaufela, Keleke kaufela yona; kufitela Katengo ka Nicaea fani keleke ya Katolika ya Roma, ha ba amuhela malumbatina mwa sibaka sa Libizo. Ikona kuba kuli mu kolobelizwe mwa lituto za milapelo ya kopano, kamba kulobeza ka Libizo la Jesu Kreste, nzila ye kamba yeñwi. Li mwa mazoo a mina; hamukoni ku A tapa kwateni. Ateni fateni.

Mu A amuhezi cwale. Ni ka mi buza, sina mu—sina mulizi wa siñwañwa ni mulizi wa piano habanze ba fetuhela kwa pia yezibahala hahulu ya kale.

Tumelo yaka italima Wena,
Wena Ngunyana ya Kalvari,
Mupulusi Yapahami;
Cwale ni utwe Hani lapela,
Mi zwisa sibi sa ka kaufela,
Mi utuhele kuli kuzwa kacenu
Ni be wa Hao kakutala!

²²⁴ Kusike kwaba ni yomukana ya zwa mwa muyaho. Muyeme fela ka likuta cwale, mi ha lu nanuleni fela mazoho a luna ku Yena cwale.

Tumelo yaka italima Wena, (mi Yena ki Yena
Linzwi)
Wena Ngunyana ya Kalvari,
Mupulusi Yapahami;
Cwale ni utwe Hani lapela,
Mi zwisa sibi sa ka kaufela,
Oh utuhele kuli kuzwa kacenu
Nibe kakutala . . . (kakutala ni kufelelela, wa
Hao! Cwale Na fa Bupilo bwa ka.)

²²⁵ Mezi akaba teni mwa mizuzu fela ye likani. Haiba hamukoni kuba ni kolobezo cwale, luka kolobeza hape busihu bwa kacenu.

Munahane ka zona, musihali kaufela, “Mwa mazoho a mina.” Mu Li tape. Nzila fela yemukona kuezwa, ki, ku tapa mwa Mali a Jesu Kreste, Yali yena . . . Mwabona? Eeni, sha. Muhupule cwalo halunze lu inamisa litho za luna. Mutalime ku Yena cwale.

Butata bwa bupilo habunze. . .

²²⁶ Buiketelo bu mwa pilu ya mina cwale. U mwa muzeko. Linzwi li libelezi ku takiswa. Kreste u mwa muzeko. Ki sikamañi se muka eza ni Jesu Kreste?

U be Muzamaisi wa ka;
Zwisa lififi mi kube lizazi,
Takula mioko, ya maswabi,
Usike wa ni tuhela kulatehela
Kwahule ni Wena.

Cwale luinamise lipilu za luna ku yona. [Muzwale Branham ukala kuñuñuna pina ya *Tumelo Yaka Itelimela Ku Wena*—Mu.]

²²⁷ Munahane mwa butungi, balikani. Hakulata libizo la mina ki lona la mafelelezo mwa Buka. Lu kwa nako ya maungulo. Cwale munahane mwa butungi. Kana mina, kana kuna ni yomuñwi mo ya Mu hanile?

²²⁸ Muhupule, haikoni kutaha hape. Pilato nasina kolo ni yekana. Na likile mwa konela kaufela kuli apiliswe, mi na palezwi kueza cwalo. Nelili mwa mazoho a hae. Mi cwale ki sikamañi se mu ka eza ka Linzwi le li tozizwe la lizazi le, ya bizwa Kreste?



KI SIKAMAÑI SE NI KAEZA NI JESU YABIZWA KRESTE? LOZ63-1124M
(What Shall I Do With Jesus Called Christ?)

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda kakusasana, Njimwana 24, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatizizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org